

羅山縣志卷之八 知縣錦江葛荃重纂



外紀志

災異 祥瑞 藝文 藝文

志曰外紀者明乎前此皆內紀也

國家內貞恒而外災祥內文治而外武事內德行而
外文藝使驚外而遺內則災固咎祥亦咎敗固危
勝亦危陋固譏麗亦譏矣然專內而忘外則又不
可謹天戒勤脩救也詰戎兵備不虞也錄詞章飾
治平也爰是終以外紀志

羅山縣志

卷之八 災異

災異

國有凶荒君爲之不舉書之懷襄也詩之雲漢也
春秋之螟螣也學士家讀之尚如殷憂在抱焉矧
朝廷以提封數百里付一人而可不懼天災恤民隱
乎志之且詳志之將令懼之恤之也若止具一邑
之氛祲于簡冊此與聽故老談故實者何異哉

明正德三年大旱饑流亡載道

嘉靖乙卯飛蝗蔽天禾黍盡食民大亂

三十四年十二月十二日夜地震床室俱動抵曉始定

萬曆二十一年旱大饑人相食

四十四年蝗

四十五年旱蝗大饑

四十八年蝗

天啓元年大水

二年旱蝗

羅山縣志

卷之八

災異

二

五年旱

六年旱

崇禎三年庚午旱

五年壬申春大水

八年乙亥秋冬不雨明年正月方種麥

九年丙子春始雪夏秋大水傷稼自四月雨至八

月五穀始貴民饑

十二年己卯蝗入城邑草廬五穀衣物俱食

十三年庚辰大旱蝗秋七月大風拔木八月雪歲
大饑五穀俱不實民饑死十之五六流亡十之
三田土自茲荒

十四年辛巳春大饑夏大疫二麥收穫無主
十七年癸未春二月大風霾晝晦秋七月雨雹大
如卵

國朝

順治元年元旦大雷雪

羅山縣志

卷之八

災異

三

三年丙戌夏秋大水明年秋大水

五年戊子夏不雨秋大水傷禾

六年己丑夏五月淮水溢壞民廬舍田禾

七年庚寅夏五月雨雹傷麥

八年辛卯秋旱傷菽穀

九年壬辰秋旱明年三月始雨米價翔貴奉

恩旨減田租十之三

十年癸巳春正月十五日夜地震有聲如雷秋大

平復大水傷禾

十一年甲午冬十月地震

十二年乙未夏四月大水傷麥秋大旱傷禾

十四年丁酉春旱

十五年戊戌秋九月霖雨大水傷禾稼壞城垣廬

舍

十六年己亥春復大水麥盡傷

羅山縣志

卷之八

災異

四

災異續

麟

順治十八年秋大旱

康熙六年秋飛蝗蔽天綿亘數里食禾黍俱盡

七年夏大水壞城垣漂民室廬麥禾城南門外
大通橋自鳴居民有房舍在其上者官令隳之
五月地大震

九年秋大旱

十年夏秋俱大旱傷禾稼

羅山縣志

卷之八

災異

五

十二年夏大旱

十三年秋大旱知縣張駿烈以旱狀申各憲

臺蒙

大中丞佟公具疏奉

旨免田租十之三

十四年春蒙佟公及各憲臺率屬捐俸委

郡伯熊公躬臨賑濟勒碑南門外

十八年夏秋俱旱米斗銀五錢民飢死

恩旨減田租十之三

二十七年蝗

二十八年旱

二十九年旱牛瘟大作倒斃殆盡

三十年蝗蒙

恩旨軫念連年災傷蠲免三十一年全賦

春秋傳曰天道遠人道邇非所及也此言雖有
凶災務脩德以勝之則雖有其象而無其應矣

羅山縣志

卷之八

災異

六

年來災異數見志不勝書豈天心之獨困於羅
歟抑謀之不臧備之不豫其所以感召者皆自
於人歟是在牧斯土者敬五事以回天怒豫積
儲以禦荒禳水旱之來蝗螟之見庶幾如春秋
之災而不害者云

災異 增

康熙三十七年春霑雨兩月不見星日夏大旱八
月飛霜九月積雪五穀俱不實歲大饑民食樹

皮草子四十四年夏大雨壞城垣濱河兩岸人
民廬舍漂沒殆盡無麥禾五十年大旱飛蝗蔽
天害麥禾民饑道殣相望奉

旨恩免次年錢糧

五十九年夏霖雨水漲陸地行舟壞民廬舍有
升樹杪避水者

乾隆三年自六月至八月不雨苗盡稿草木亦焦
歲大饑奉

羅山縣志

卷之八

災異

七

旨准成災分數蠲免錢糧

祥瑞

草木羽鱗之端，往往有之。若侈爲美談而不懋修厥德，以答天眷，其與遇災而不知懼者相去幾何歟。

明永樂丁酉夏，學宮有池蓮一幹雙花。

弘治己酉，舉人徐有宅內產芝一本三莖。

趙時中先塋有白鳩來巢。

正德間，張杰先塋有醴泉出。

羅山縣志

卷之八

祥瑞

八

萬曆元年，生員劉世德先塋產芝一本二莖。

三十八年，有麟產于城南十里塘之民舍。

四十二年，劉氏素園產芝九莖。

國朝

順治七年，黎天民別墅在牢山，西土阜上產芝數

百莖，因命名芝莊。邑人劉夢興及諸文士作詩

詠之。

康熙四十一年歲大有

五十二年禾麥俱登

雍正五年大有

六年禾大熟

七年有年

乾隆二年歲大熟

七年禾麥倍登

羅山縣志

卷之八

祥瑞

九

九年大有

十年春不雨夏四月蝗蝻遍發荃躬率邑人晝夜撲擊且焚且瘞禱之 神明叠沛甘霖至五

月初旬大雨滂沱四野霑足蝗盡死歲大收

十三年縣署內菊英爛縵紅者一蒂並發雙花白者一蒂三花一時稱異有詩見藝文志

民為邦本食為民天故災異莫苦於水旱而祥瑞無大於豐登特於歷年豐歉尤甚者志之為民司

牧而欲勤恤民隱惟是勤修省以弭災沴尙勤儉
以裕蓋藏庶豐不忘凶有備無患而民安其業矣

戡亂

余嘗讀陰符曰水火賊盜者英雄之藉也元明之季寇盜遍天下其稱戈比干勘定禍亂者莫不有功績之可紀而無救于敗亡者河潰魚濫不可壅收亂之極也亂極而生治矣

元至正十一年潁州妖人劉福通為亂與樂城韓山童合黨縣官捕之山童就擒惟福通黨盛不可遽擒遂破潁州據朱臯攻羅山諸縣臨汝寧府及光

羅山縣志

卷之八

戡亂

十一

息二州衆至十萬

至正十二年十一月沈丘察罕帖木兒羅山李思齊同舉義兵

明洪武元年春大兵取河南諸郡縣

先是因本縣元末兵燹居民屠

寇殆盡洪武二年徙江西湖廣等處居民丁多無業者實之田廬聽其自占

正德七年流賊趙燧等寇城勢猖獗知縣石瓚親冒

矢石極力死守賊引去主簿王續宗領卒追之伏

發遇害會右副都御史彭澤咸寧伯仇鉞來討賊

總兵時源叅將神周等屢敗賊再破之追擊至
固始盡擒趙燧劉三等河南賊平

嘉靖乙卯有賊名李大刀一名千斤李寇羅甚驍勇
鄉兵擒之

萬曆初年山民唐鳳沈教陽據牢山以叛縣令李弘
道命鄉兵畢萬崇等討平之

崇禎八年乙亥流寇以正月朔五六日沿淮北而東
破潁州鳳陽等處二月十六日復西來自真陽之

羅山縣志

卷之八

戡亂

又十一

徐家店渡淮抵本邑之西南兩關廂併盤據小羅
山西南諸處衆十餘萬有名滿天星過天星掃地
王者殺戮焚劫甚慘邑人劉廣生縣令周運泰竭
力守禦之會總兵官鄧垓領兵追至龍昇鎮頗有
斬獲然自是每歲月皆有流賊充斥不可枚紀
十年丁丑正月十四日真陽土賊盛宏如領賊四
五萬圍攻縣城五晝夜邑人劉廣生縣令周運泰
同諸生晝夜拒守至十九日始去因請兵于本省

撫院王公家楨檄遊擊將軍陳永福破于貞毅岳城宏如領餘黨遁去復南行至本邑龍興流賊闖闕天後宏如亦爲闖闕天所殺

李上林南山定遠店人年二十餘爲奴于申粵姓魚肉下戶無藉者樂從之稍能自立者必脅降之縱橫五六十里令行禁止惟知有林縣令委尉陳學明掩捕而林以白挺七百餘人擊走有梁將官者在某營獲罪亡命林引爲計畫至日夜謀

爲大逆藉所收本處居民建五方旗各置小帥管攝攻劫良砦豫楚孔道俱梗其主人翁計無復之反言于當事用羈縻術榮以冠帶授都司劄付林得之乃翼虎矣未幾監司劉公來申陽忿林不法密白撫軍撫軍檄新三營兵將授公節度滅上林而邑人都司黃彰袞素黯猾有才畧劉公分檄之叅佐行間黃揚言于衆曰樞輔楊公嗣昌戮賊于武當山困饑將就擒監司慮其由九里關逸于

楚遂以劉公命趨上林速整旅偕新三營主將周
扼獻賊之潰而東者林素輕佻無識復餌于其言
乃部署丁壯建旆治兵更大治具逆彰袞大營于
周黨吸而彰袞嘿教營中一棚內具數人酒食令
隊帥延其親賊入各棚相宴樂彰袞與新三營督
將共迓上林林以甲士數十輩自衛彰袞復給而
遠之盃斝相錯懽若生平號炮忽起帳幙間力士
突出擒林等于坐上各棚官兵白刃縱橫斬賊無

羅山縣志

卷之八

戡亂

三

遺類其部署之丁壯皆獸駭身散彰袞縛林馬上
送申陽正法嗟呼南鄙之民恬耕鑿善漁獵淳之
又淳者也一染上林惡習而紅旗之張其倫黃旗
之陳應試藍旗之廖近忠皆跡此爲之者也林之
罪可勝誅哉

十二年巳卯內臣劉元斌盧九德領禁旅各四萬
勦流賊于邑之西北顧家灣及正西之欄杆嶺皆
敗績大帥孫應元張一龍死之

十四年辛巳四月流賊張獻忠號八大王者自襄陽襲破關臣楊嗣昌兵屠戮襄陽經信陽過邑之南城外徑東破光州光山商城三處本邑紳衿惶懼俱移居于信陽賊越羅山由南山暗襲破信陽凡羅人之輜重俱空矣

羅邑東偏大猾張可第及胞第二和尚三和尚皆驍獷不治生理乘獻賊蹂躪汝南遂聚亡命侵掠肆出鋒莫可當亦自分惡極終當見討思有所附

羅山縣志

卷之八

戡亂

十三

項之軍容使劉元斌率羽林將士萬餘人由麻城光山逆擊獻賊過可第巢穴曰竹竿鋪駐師可第誤以爲獻賊偕兩弟具三千人錄冊籍叩軍容上之願先登破羅山口呼軍容爲八爺爺蓋獻賊綽號也軍容察其誤卽戒麾下謬爲獻賊狀開壁納可第之賊隊于中堅令坐甲俟宴勞兵旣合圍軍容仗劍厲聲曰我實非獻賊乃奉天子明詔誅獻賊而并得便宜誅其款獻賊者群賊驚愕不知所

出皆引頸就戮囚可第三和尚磔于通衢惟二和尚
尚免脫潛匿邑南土棍家爲贅婿典史王開泰捕
獲弁伏誅茲肯也旣兵且荒斗米三千饑民從賊
者如水軍容雖有擒馘功然所遇者不甚辨晰槩
自爲賊黨縱得生者皆喪其耳鼻二官

軍士割迄
之爲戲

今羅之東道元氣凋傷二十餘年莫克生聚
本年十一月十九日流賊治世王夜襲被邑城士
民之被戮者無筭士民之妻女以節死者亦無筭

羅山縣志

卷之八

戡亂

十四

其最著者見節烈傳

十五年壬午夏六月閩人林質爲督撫盧公幕賓
携家將歸過黃神山宿豪民劉鈞家黃金白鏹不
可紀及鈞之婿與侄醉心駭目密呼惡少張耀宇
突入鈞室中橫取質所有分均出後而去是皆羅
城初破縣官旅舍不能致詰質言于兵憲王公王
公知質有重名急下檄羅山捕賊許縣令以之屬
黃神山砦主吳丕顯鈞致之丕顯計之未發至七

月羅再破據城者爲紫微星諸賊散居鄉間者爲老回回諸賊圍黃神山者爲坐京王肥狼諸賊若至吳丕顯偕流寓諸生黎天民多方禦之賊張耀宇覘丕顯之欲擒已遂結椎埋爲奸者八十輩各挈妻帑至黃山如避寇狀丕顯亦知其不利于己也勢不能拒乃入之居無何襲殺丕顯而分其室遂歛流賊而躬往要結且欲以一若之人民財畜爲贄天民垂涕諭之曰若輩皆好男子曷爲避祖

羅山縣志

卷之八

勘亂

十五

宗棄家業而從寇賊入死地耶誠能擊流賊自効則轉禍爲福無難矣不然闔若之士民爲戮爾不過流寇馬前卒也果信我我爲爾輩通告當道保無他虞群賊喜于從命天民偕諸生袁家柱問道透流賊大營至申謁監司王公世琮署州守吳公士伸曰耀宇克殘已甚不可不討但持之急彼且爲流賊之前矛後勁矣曷若繫之又以蠟丸告許邑守亦然王公及吳守許邑令咸得所請皆

張耀宇輩曰能以圖將有後福由是賊益喜遂乘
間擊坐京王流賊引去王公下教曰張耀宇等數
十人擊賊守砦有功該縣給劄行賞許令尹親至
郭氏之水寨蒞其事許令又下教曰來者皆豪傑
士旅見殊覺艸艸令各止掃橋外每二三人儕偶
至我前我一一識其面賊益喜至庭際伏壯士輒
格殺之授首者三十二人皆元惡也久之不見一
人出立橋外者訝曰受賞者去不復反乃賺我耳

隔水大呼先入者之姓名不應乃揚旗持兵奔走
且怨望曰我有擊寇守砦功今見殺何也許侯應
之曰殺吳氏一家而復委身流寇能免大辟哉賊
黨鼠竄黃山之不爲雞籠者王公之指授也許令
之膽智與二三健兒之勇武又曷可氓也

壬午七月十三日流賊紫微星爭世王再襲破長
城縣令許登龍寄居民砦而郡城亦爲闖賊李自
成陷破無兩臺無府道而五旗妖孽始大熾矣

十六年癸未闖賊僞官張丹廷至邑令許登龍潛行亂民相與奉賊官居于城越數月汝寧守將劉鵬起領兵南巡賊官始遁去然鵬起之兵恬啖人過羅之龍昇鎮破丁鶴子寨小丁家寨除老瘠外剝食殆盡蒸小兒葺艸爲苞苴裹之以代糗博儒士沈益甫亦在京館中其慘酷尤曠代未見者是歲秋冬之交五旗賊自相猜忌皂旗投寧南侯左良玉玉以裨將滿盡忠率三千人來忠破縣東

羅山縣志

卷之八

散亂

十七

之徐家寨焚殺甚酷其諸寨之完守者盡忠亦不能克乃班師歸武昌又將有事于南道諸良砦邑人汪雲龍劉夢淑急起良砦丁壯萬餘人負糧枕戈阻忠于桂家店之河干且作書詰責盡忠無狀盡忠懼聞道遜去

白旗賊首吳守臣西山曾家店人乘亂草竊後受巡道招安給千總劄燕京失守闖賊僞軍門鄧璉爲將軍韓朝陽駐劄信陽吳與韓東西結好青山

店民伍洛書爲良藉首先與守臣抗及朝陽與守臣合勢不能支乃僞降于守臣十七年十月邀守臣與諸賊首領十有九人共飲于青山店一夜盡誅之白旗遂解

皂旗賊首萬朝勳爲署篆郝公所殺事載忠烈傳紅旗賊首張其倫南山人也紅旗較諸賊更著楚境胥震恐功貢生在汪雲龍對壘相距十餘年先是倫受闖逆都尉僞職覓傀儡冠帶以山賊克官役

羅山縣志

卷之八

戡亂

十八

赴任申陽及

國朝闖逆平又招集楚人亡命者謀大舉乃鑄印艸檄遣人若自遠方齎至者倫再拜受之諭衆賊曰我奉大明皇帝詔起兵與湖南諸道接應非向日所爲也乃大治兵各旗皆以賊兵相附遂南破孝感縣知縣邵炳元死之擄掠金帛子女各饜所欲至城北七里白沙鋪大嚼狂飲熟睡全不爲備德安守將郝基斬黃副將韓基俱輕騎掩至賊在睡

夢中二將肆力屠殺半于單襁間脫去者皆
體疏足倫奪他賊散馬狼狽脫歸收餘賊保雞籠
若郝韓尾至羅令薛耳亦請于撫軍撫軍檄監司
謝永福叅將朱國強協討楚豫兩軍攻圍將一月
始克囚倫械送杞縣正法餘黨悉平
藍旗賊首廖近忠周黨店人也與其倫同起邑令
薛耳請兵于撫院吳公景道命叅將朱國強監軍
郡丞高公翼辰誅之其黨悉平

竊記有明大運將領盜賊遍寰宇惟羅之五英之
盛宦游人遂以羅爲畏土辛巳秋汝陽邑佐吳公
仕伸來攝下車卽令于衆曰吾欲爲朝廷固疆
保生靈何有乎薄書哉乃解繫增城隍羊馬墻于
堵殊嚴固簡閱器械恒若敵至聞警乘城與士民
徒卒共艱苦又請道劄遣使招五旗渠魁曰丞
我在此是汝更生肯也稍趨起則撲滅矣渠魁
受劄誓自新且願糾其不悛者四境帖然

于上欲留公令羅而劉大司寇亦遺書高撫軍求
疏公卽真會新令至公謝事歸汝未踰月而羅城
告陷矣天耶人耶

迨大清革命後旗孽之蠢動無肯雖朝廷命將出
師數經大創然鵠形鷹眼終未格心及觀察使陳
公聯璧涖汝南示以慈腸寬其法網多方招徠安
輯之令群兇絕不萌反側念匪直賣刀劍已也公
解任迄今十有餘年各旗受撫者念公猶潛然泣

羅山縣志

卷之八

戡亂

二

下則士民之誦衮衣恤其棠者又可知已嗟乎搆
亂者愚民也戡亂者天心也戡亂者武臣法吏也
二公在兩朝未嘗戡亂而實能弭亂俾四民離塗
炭樂畊桑公之明德誠遠也

藝文 外紀四

文章一道光焰萬丈驚風雨泣鬼神亘古不可磨滅也羅雖小邑上自帝王以及名公巨卿布衣之士轍跡所經宦遊茲土莫不睹景興歌遇事作紀今恨不能盡傳矣然彪炳在人耳目者收之簡冊以見一斑為其後於躬行也故稱藝焉

碑文

兼採古文有關於本邑者

補龍山文

并引

宋蘓

軾

眉山人學士謚文忠

羅山縣志

卷之八

藝文

三

丙子重九客有言桓温龍山之會風吹孟嘉帽落温遣孫盛嘲之嘉作解嘲之辭超卓四座嘆服恨今世不見此文予乃戲為補之曰征西天府重九令節駕言龍山燕凱羣哲壺歌雅奏緩帶輕恰胡為中觴一笑粲發梗楠競秀榆柳獨脫驥驟交驚鴛蹇先蹶楚狂醉亂隕帽莫覺戎服囚首枯顱茁髮繼明將軍度量閔達容此下士顛倒冠襪宰夫揚鱗兕觥舉發請歌相鼠以侑此爵

右嘲

吾聞君子蹈常履素晦明風

雨不改其度平生丘壑散髮箕踞墜車天全顛沛何
思腰適忘帶足適忘履不知有我帽復奚數流水莫
繫浮雲暫寓飄然隨風非去非取我冠明月被服寶
璐不纓而結不簪而附歎詩寧擇請歌相鼠罰此陋
人俾出童叟

右解
嘲

重脩儒學碑

明邵

祥 會稽人
見官師

羅山學宮創始邑志無載元祐間重建於縣尹孫恭
國初知縣聞珪再起其廢其後有司漫不加意日就

羅山縣志

卷之八

藝文

三

頽敗正統甲子僉事郴陽曹公連偕叅政四明宋公
琰至慨然以興起斯文爲已任爰命一大新之峇邑
宰關右劉君恒率幕華亭王君昇銳志祇承由是事
功翕然就緒而凡上官與四方遊觀之士莫不嘖嘖
稱嘆以爲自大江以北未有且當 聖天子龍飛之
初開科取士而是邑聯中三人曰羅綱者翹然冠中
州多士俊秀子弟鼓笥鐘堂者又數倍於昔僉謂不
可無石以紀其盛以記屬予予敢言辭哉謹按大成

殿因其舊而修之明倫堂撤其舊而新之皆五楹出於堂殿之南者櫺星門戟門抱舍皆堆疊升拱而繪以五色焉夾輔於堂殿之東西者兩廡兩齋號房皆覆以瓴甃而紛藻稱焉神厨饌堂教諭訓導公廨縱橫參錯亦皆肅就於戲朝廷設置學校固所以崇祀賢聖實所以養育俊髦今學宮壯麗科名高顯已爲中州之冠然聖賢之學於內而不於外於實而不於名使繼今而後凡於此乎翱翔者反而求之內約而

羅山縣志

卷之八

藝文

三

歸之實心聖賢之心事聖賢之事上以股肱元首下以康阜民物及其遇難也則臣子大義死生大節又能執之堅如金石則赫赫珣珣人將指之曰羅山其人物之淵藪也真中州之冠亦天下之冠也斯爲至矣若庸庸瑣瑣徒以利達驕人則人將指而譏罵曰何物老嫗生寧馨兒若然反爲羅山之玷非諸公與舉學校之意也抑豈國家作人之盛心哉二三子其勉之

范公修學記

曹嘉謨

邑令海鹽人見官師

國家設學校置博士弟子員教之詩書六藝使知古今聖賢之道凡以叙天典正民彝而成治化君子謹之衆人忽焉教道明而後典彙叙正則學校所關非尠淺也鄙爲汝下屬邑廟學之建廢不知其幾爰自嘉靖甲寅直指霍公冀更新之壯麗軒豁值置合度大槩皆出之直指公之所區畫實非他邑可擬倫距今又三百三十有甲子矣風雨漂搖鴟鼠六頽敝

羅山縣志

卷之八

碑記

二十四

日甚不足以竭虔妥靈往宰牧者雖間議修繕然因陋就簡粉飾一皆而類朴陋其后首善之地若此亦安所施教導以襄治化哉戊申五月別駕西蜀范公自汝上來攝篆謁自廟學瞻顧咨嗟曰世之學孔氏者必斥佛老爲異端今郡國一孔廟耳梵宇琳宮葦布天下而夫子之廟將就傾圯者何以格神爲師者何以施教而弟子者何由興學有司之務誠繁已公務之隙獨不可少致意于其間乎予何敢不力會邑

民詹繼文向嘗以修學自任公聞而召之語曰爾羅民敦龐好儉慷慨尚義之風闕焉而罔聞者非不肖也其勢使然也然亦豈無大姓而卒莫能振起焉者非怯嗇也其俗使然也故有志于善斯善之矣爾其勉旃由是盛其舉以示勸扁其門以示果優之禮貌以鼓其銳繼文瞿然若不能終日待鳩工度材不日而集棟梁榱桷之撓蠹者易之簷牙瓦甍之頽侈者整之丹漆黝堊金碧之漫漶者澤之滄之凡疾風苦

羅山縣志

卷之八

碑記

三十五

雨之門穿漏游塵飛埃之所垢蒙者一切補葺而糞除之廟自禮殿以至門廡學自講堂以至齋舍靡不疏潔寬好而應奎有樓高敞宏麗比仲秋釋奠而神棲法庭肅乎見百官宗廟美富也宵乎聞金聲玉振之遺音也更始于六月壬午以七月庚子工訖不亟不徐規制聿新炤輝崔巍加于疇昔薦紳縫掖膏會稱慶僉謂斯文盛事宜有記述以昭垂于后嘉謨親而思日倡其民而興其學者公也民之喻于倡而遠

于肖者是寧智力得乎哉夫學自霍公增創之後士林至今道其姓字猶有芳氣霍公行誼風裁累官九列公之誠信敏決上下感孚直足以續霍公而序其績然則公非其流亞也公以西蜀雋才與太府黃公二府宋公三府張公四府魏公皆極一省之選協理一郡誠無難于茲義舉公不勞于民浹旬之間克建偉績如此于茲者尚希鴻士之遠猷以達大賢之期經正化民繩繩繼起輩爲國公真無負公興學之盛

意可也倘堂序之上經操翰之徒庭階之下爲茂業荒烟則師儒爲素餐而學徒爲電靡矣豈公之望于師弟子哉公諱月第字光漢四川安岳人其攝篆羅清而不激嚴而不苛崇信厚薄鈞距論者以爲得居上之體嘉謨不揣猥劣一言以識歲月而宣力執事者且列于碑陰云

散陂寺碑記

開禧三年

林時發

縣學諭
福建人

嘉泰壬戌予于庠試罷謁張羅山見吾閩昂上人其
年任散陂予首訪焉與邑中三二友聯○○○○
平時參差修陴溶漪其中有岡陬牙橫梧狀似伏虎
上至寺側箕踵漫衍古木朽枝與塔爲朋形勢寵窳
崔嵬隱隱有佳氣及觀招提四壁立累傳莫克負荷
堂宇傾欹茅瓦相低昂予謂散陂曰有○○○何以
使人刮目間五年重來氣象已大異矣塔之南有藏

羅山縣志

卷之八

碑記

三七

寶藏有經藏之南有鐘藏鐘有樓輪一轉而心性明
杵一送而聳曠開懷惡者羞赧持善者怡懌予亦欣
然徘徊經夕皆有居士從衆中出揖予言曰羅山自
靖康兵革後四方雜聚朝營暮逐苟偷不暇何能傾
囊倒廩如閩浙間薦賄不倦者況經藏鐘樓糜金錢
不貲寺無東臯半畝入乃能悉力圓就華陳珍惟種
種炫耀意者任持遜詞苦躬朴愿忠誠善遇來者使
人起敬凡有錙銖樂推無吝是故經以內蟠聲外播

如是迅耶又國朝去夏以來經理恢復其冬諸將次于五關不果進虜俄犯信陽蜂房蟻穴悉遭掠劫獨羅山人民無恙而茲寺鐘鳴藏動制禮作樂如平昔不少衰先生通達古今謂何道臻茲子答曰茲事至易曉奚待予言方虜之逼城下也使勤王者抱平原節則城不陷民不散前之交鋒失援莫有後之應援寡謀隨衄微邵使君松栢挺操曷使羅山有泰山之安帥義勇二千餘僅及李陵之半却胡虜四百騎已

羅山縣志

卷之八

碑記

二十八

邁張巡之功光黃數郡倚若辱齒喉舌之爲緊公之功今聖天子○○○○五秩○叅軍事剪姦獎善信陽駿駿復業而羅山砥柱卵翼下寒食清明如昨駢闐雜遝其合掌信眉于此寺○○○無自若晨昏皈命惟謹卽得如來憑五衍軾開八正門推三十七品○○○○○翹微乎微各得生育矧被禮服義膽天戴○○詎不熙熙愉愉如祖宗承平嘗哉居士曰唯唯凡在列者口誦心唯共生慚愧

碑記共四
二十人

黑龍池彌陀寺記

景泰七年

邵

祥

邑諭會稽人

畧日

去縣城南三舍許大乘山下有池曰黑龍元海公和尚坐山面池創爲彌陀禪寺以兵燹所遺者故址耳入國朝逮正統丁未縣白勝寺僧覺志有志茲山力起其廢行悟性空二僧者至罄其衣鉢殫乃心方于是供佛之殿入定之房旁兩廡前三門公庖私寢內外一新規制崇廣金碧焜燿視昔加美始于丁巳正月成于戊午五月茲山也群峯環抱面列三岡

羅山縣志

卷之八

碑記

二十九

有顴峰如宇然一溪清瑩澄澈自西南來縈紆可二十里去寺又一里乃瀦而爲龍池池中水黑色若有蜿蜒之神物蟠結其中焉天旱邑大夫爲民禱雨不應必求名禪師以鐵牌書丹符祝而觸之池內俄而驚瀾洶洶雷雨驟至寺之創建以此靈異云

此碑舊志不載余讀書寺中從荒棘間用土磨得之頗有缺字撮其畧于此

丁卯志

靈山寺記

張仲簡

邑人

靈山勢高聳登者若天然故北有石磴梯南有白馬洞東有霸山中有聖井自元祐二年開創嘉定年白雲長老建立至正八年陳大用住持洪武三年封爲金碧峰禪師隨駕北京門從智倉封上師其徒會滿續青恩宣德七年游于靈山初建佛殿及鐘鼓樓臺其徒淨秀暨敬堂以弘治七年造白石佛像三尊羅漢一堂至正德二年冬落成云

羅山縣志

卷之八

碑記

三

白蓮塘寺記

尚維持

邑人

白蓮塘故有寺成化中異聰所建也制隘宇扁厥徒法省恢之規制尚隘議者以勝地爲屈云迄今亦未有大之者嘉靖乙巳僧孫通福乃商諸徒曰吾老矣寺之狹陋吾等讓也胥飭以度辰夜展力爲山門者五楹閎如也爲天王殿者如之肅如也爲地藏爲鐘鼓樓若干楹嵬如也法堂及左右齋舍咸新之寡募而事集匝歲而工竣梵宇軒敞山水獻狀而寺之規

世之守財虜雖失一錢輒見聲色而通之
以爲佛御毋事暇募毋漁衆利噫可以觀廉矣
今之長人者條令秋荼刑上肉吹土木一興民遂解
而通之役其徒受工若赴捐蓄若釋無曠皆無胥
怨噫可以觀教矣吾輩自祿仕以至卿大夫囊帛籠
金祗爲身計乃有鞠鬻校爲蔬圃壞宮墻于狐鼠恬
不加意而通墨也且毀壁揮金以妥厥祖是豈孔子
之道不加于佛老而士君子之愛其師顧異端下也

羅山縣志

卷之八

碑記銘

三十一

哉蓋果報之說足以動肯俗之愚而聖人之化嘗不
能入暴棄也噫可以觀德矣是故觀其廉則貪者勸
觀其教則頑者勸觀其德則薄惡者勸通豈直僧乎
哉殆近儒矣以記來請余余感而記之嗟呼爾寺大
矣廣矣邃矣爾師賢矣爾弟子義矣若義之不終戒
之不戒遺爾師羞矣將慈峰靈壑朝靈璧騰笑寺之大
亦末矣毋曰余言迂

六簋銘

李賡明

邑令廟建
侯官人

粵稽上古儉約是誌茅茨不剪瓦缶陶器太羹玄酒
以禮天地迨乎後世奢侈糜費盤飧羅列金醪玉饋
傷財損德寧不自棄予惟質樸崇儉作劊節以六筮
三巡匝醢主賓酬酢情稠則暢反澆歸淳事實有當
用率天真共存雅量吾道斯昌力行是望

志書告成恭賦紀事

黎天民

噫嘻君不見李侯慧業繇天授研窮三史鄙章句一
行作吏未踰晉瞻茲邑乘思鴻構舊章散佚意難繪

羅山縣志

卷之八

錄

三十二

懸金購從封境外

舊志得自光州

按籍損益非鑿空丁卯一

編誠著蔡毅然草創者卑子

拱樞脫稿

劉君藻鑑職臧否

蘇芳傳里賢宦蹟

改玉之際逸事多侯能博採集衆美登壇

大匠操繩墨游夏諸賢都削色琴音未輟手拮据命

余更自攄胸臆瑜必收兮瑕則摘一十萬言悉刪覈

郵編成兮燦縹緗侯曰庶幾編典冊噫嘻挑燈掀髯

讀終夜依稀身坐優曇舍

舊日纂輯之所

修書已亥未新秋

梓畢庚子云中夏

修城文 順治十六年

李賡明

邑令 福生 侯官人

巳亥孟夏賡明奉 部銓單車赴羅涉淮抵北郊望
中絕無雉堞亦無戍樓城闔入郭頽垣荒草居民烟
火僅百餘戶滿目丘墟余竊訝之曰邑素以凋敝聞
遂至此耶亟詢廣文常景星尉龔襄僉云羅地瀉鹵
土性疎惡城雖修不能久無恙去秋霖雨半載洪水
漂沒故至此越日全步履相度而東而西而南廢益
甚余憂心如焚及視事見百務弛弛思整頓之猶如
羅山縣志

卷之八 文

三十三

救焚救溺而所以爲未雨綢繆之策者則最急莫如
城於是輟轉熟計議畚築則徵力于民而羅民流亡
過半矣議材具則賦財于民而羅民稅歛已重矣議
貸議捐紳士曰貧無以應且量工計費經年累千恐
難竣事嗟夫興役苦與大役愈苦何以克勦乃事而
爲 朝廷固疆圉哉不得已舉傾圯之狀繪圖上之
諸 執事求賜 題修咸以入告爲難諄諄諭余設
法其正項猶不敢輕動復輟轉熟計惟有自爲規畫

自爲措辦用羅民趨羅事耳隨敦請紳衿大會集議
細考各里舊有界今仍其界令自爲經理之遣關曠
夫役數十人掘舊甃得十之三四猶慮其不供先開
窰數廠而僱匠多陶之余躬視之次慮聖之不繼乃
亟捐貲通商廣貯之弁呼助之揮白鏹百餘兩未賦
毫末于民獨是東作正興一日必役千百人使之釋
耒耜趨林度縱百雉維新而三農絕望恐惟正之供
缺如矣非計之得也復請寬秋收之後幸 上可其

羅山縣志

卷之八

文

三十四

議余得以悉心料理 兵憲萊陽張公諱瑞徵 郡

伯山陰金公諱鎮 司理東鹿張公諱鼎彛各捐金

佐茲大役及瓜程物材物材備矣省器用器用具矣

區畫賚予賚予足矣始披誠通告諸邑人曰築城郭

固封堽誠守土者責然保爾室家奠爾疆域此國家

大事百姓雖勞不可以已也爾若不協力從事胥委

之令令能千百其身哉因大弛禁凡逋租稅牽訟讞

者但赴役俱置不問用是遠邇懽騰經始小陽念日

紳衿各以佃僕環集。州之民在二百里外亦裹糶荷鋪絡繹載道日以千計。卽甃聖不敷尤相率輸將恐後。余從未馳片字遣一役相追呼。初不意刃疲之俗一旦急公向化至此也。其在公材物各里自爲貯用。遼鄉耆材幹四人分藉其所出而刀筆之胥無與焉。日引攝尉徐世華週城三匝。慰以甘言不鞭一人而鼓率之隸卒亦無與焉。又捐金五十具黍肉餉之。厥工先竣者受濃賞歡聲殷殷入耳畔。皆值嚴冬朝曦夕

羅山縣志

卷之八

文

三五

暉絕無冰雪之苦。浹旬而畢。若有神助觀者莫不稱壯會隣寇竊發各邑震動。兵憲張公提勁旅駐浮光籌畫撫勦機宜。蠢茲小醜先後就擒。鄆山一帶藉此安堵如故。余益得以加意內治。遍闕四門卑隘不足壯守衛。遂乘庶民之朝氣稍恢。舊制重建樓臺。堅朴弘敞。爰以成事告諸上執事。嘉平朔招紳士里老落成于南城之尖。因名其樓曰思薰童叟千人。頌而樂之。詔爲三十年來未有盛舉。茲役也。自始事迄

成功不踰三旬公私晏然未有糜費是皆不賴
執事德教翔洽率先捐貲化刁民而馴之鼓疲民而
奮之旦夕奏效如響隨聲余亦得藉此以逭于莒侯
之責也已其亦何力之與有今旣侈上之賜嘉民之
勞而喜觀其盛也聊爲小言以紀始末若以爲序已
績則奚敢

侯官李侯重修戟門記

馮應鰲

川訓著羅
屏蘭陽

學宮之有戟門王者之制也明肅皇已易王而師用
安

先聖矣而門仍以戟名者何或取夾谷文事武備之義
而爲之與羅黷當兵燹後數仞宮墻蕩爲平地園蓋
可鞠子衿興嗟矣歲已亥三山李侯以文武憲邦之
才來令茲土甫下車卽謁

孔廟見大成殿尚堪瞻拜戟門并東西兩角門則棟折

羅山縣志

卷之八

碑記

三七

垣頽風雨罔蔽矣愾然曰升堂入室誰不由戶而傾
圯若此觀瞻弗肅何由興起非有司之責與當亟繕
此兩廡次之而名宦祠泮水橋又次之及登雉堞見
城復于隍又愾然曰渠丘恃陋春秋所譏設險守國
大易垂訓崇墉固圉非武備之一端乎卽起學易作
春秋之尼父于今日亦必先此役也果而子來趨赴
工成不日金湯壯而士民安堵矣無何修邑乘之檄
下又愾然曰是誠余志也乃集二三老成人討厥故

實潤以新裁歷三肯而彙爲一代良書侯乃曰漸成
文事矣但膠序不啻本根之謂何將謀更新學宮與
諸士游息焉而適以內艱報侯方哀毀謀歸已自分
此志之難成也乃邑人士不忍失慈父母力控上
臺強侯侯代自春徂秋侯萬不獲已始墨衰視事爲
朝廷供惟正政稍暇卽詣學宮徘徊嘆息曰一日官斯
土卽不可一日曠厥職吾其勉終吾初志乎乃重啓
而更新之一椽一瓦一甃一石咸取資于清俸卽行

羅山縣志

卷之八 碑記

二十八

李蕭條囊空如洗弗顧也計侯之蒞任甫一載餘而
三大役備舉文事武備亦可窺見一斑矣異日者陟
相位談咲折衝若夾谷事業直恥懷而予爾維肯予
方來自天中暫署庠事敢不竭厥董廼役竣工之日
當仲秋之杪而劉子其錫顏子之聞兩捷音適至是
有中副車者一爲張子諱潛使仍如前科之全額竟
一邑而雋者三矣茲庠亦大有起色矣雖侯猶以未
能全其始願爲憾而邑人士已蒸蒸丕變矣况侯之

廣錫類爲無類樹樸槭作其棠課文講莠勤勤無已
菁莪之章與蓼莪之章侯殆一日而三復之矣後之
繼李侯而令茲土當必有心侯之心事侯之事以畢
侯之所未畢者將庶祠宮墻煥然聿新諸士之蟬聯
鵲起爲顏爲劉者又不知幾何人也嗣侯寧不與李
侯并傳不朽哉李侯諱廣明別號筠仙福建候官人

大中丞佟公賑恤羅邑士民感德碑記
公諱鳳彩號高岡遼陽人

羅巖邑也僻處南偏環山而土瘠五種之屬惟
秔爲宜歲豐祇等他邑稔之半蒼生不造庚戌
澇苦之辛亥旱苦之壬子豐凶參半癸丑復苦
旱甲寅倍之故歲以饑告而客秋至茲食草茹
蕨流離轉徙相望於道蒞茲土者竭智盡神至
寢食俱廢終莫之何 觀察徐公道經於羅盡

羅山縣志

卷之八

碑記

四十

得其狀以聳於 方伯郎公遂急請諸

開府佟公公憮然曰一夫不獲予之辜况羅吾屬也
勞來安集將安諉卽捐俸爲諸司倡 郎公
徐公以及分巡胡公同之由是中州 監司諸
公率屬長吏赴救恐後

開府又恐付託非人民鮮實惠乃面諭 郡伯熊公
曰是役也惟爾才郡伯曰職之責也何敢以不
敏謝遂單車就道凡一切輿臺芻秣無不於

惟飭里約招流亡粟幣相叅註名分給以六旬
爲約期副麥秋復恐老弱之不逮也由邑內而
近郊由近郊而邨鎮於靈源店信宿焉於龍昇
鎮信宿焉於仙花店信宿焉事未竣而金已匱
郡伯不憚括囊再至以祇承

開府之命亦開府之有以風之也卒賑老癯歡呼
囑拱記其事惟公之再造於羅也豈偶然哉方
引領待哺之日或曰望公如望歲焉或曰望公
如望慈母焉予曰是皆不足以擬之夫邑令吾
父也郡伯大父也而

羅山縣志

卷之八

碑記

開府憲長監司諸公高曾大父也夫高曾大父位尊
而勢疏父母情親而無權苟欲生全其赤子必
告之大父達之高曾大父使高曾大父未及見
雲仍之困憊而不之許父母亦無如之何矣乃
不謂高曾大父之生全此雲仍者倍有親于父
母也處得爲之勢而出以不忍不爲之心故至

此公之再造于羅也何以異是其年被災之地闕六州羅邑之災寔稱最而我公軫念羅民亦數倍于他邑他邑蠲租十之三或與羅同而羅邑獨得緩徵賑恤則與他邑異向非緩徵則民斃於催科非賑恤則民無食何以生緩徵賑恤兼而行之故僵者起而病者甦矣枵腹無憂而安枕無虞矣咸謂是方伯觀察所予也是郡伯邑侯力請所致也拱垣曰然吾儕曰歲凶方吾饑情孔殷矣然而蠲租宜請則疏以請一疏不可卽再疏以請則非

開府勢有所不能况蠲千金爲賑乎以億萬之心爲

心者方伯觀察郡伯邑侯也不第以方伯觀察之心爲心而民寔被其澤允堪法于後世者

開府也萬姓咸頌其功于公公終曰一夫不獲予之辜况羅吾屬也勞來安集予何功噫嘻公惟不

自有其功功之所以愈不可忘也敢貞珉以誌
不朽云

康熙十四年孟秋穀旦進士畢拱垣撰

維山縣志

卷之八

碑記

人中丞關公禁約碑記

一禁銀七錢三使費 一禁收折漕米使費

一禁各項無名私派 一禁重戥私加火耗

一禁餽送四季規禮 一禁餽送多節規禮

一禁索取地方土產 一禁藉查衙蠹使費

一禁賒取貨物短價 一禁里長供應過差

一禁辦買本色幫貼 一禁驛馬草料幫貼

一禁私派驛夫工食 一禁差買里民柴草

羅山縣志

卷之八 碑記

四十四

一禁差役下鄉需索 一禁祭祀派累行戶

岢

康熙二十八年六月穀旦知縣加一級三韓魯麟勒石

重建義學兼助膳日記

欽哉

聖天子作人之雅化甚重且切也而於州郡縣義學之設爲獨詳蓋義學者黌序之本亦卽古小學遺意古之學者離經辨志以後卽入小學使知君臣父子長幼仁義禮智之理是義學爲世道人心家國天下所關其維繫蓋可忽乎哉先正之言曰小學之教不立害且子不孝弟不悌幼

羅山縣志

卷之八

碑記

四十五

不讓而爲父兄者殆不能安於其爲父兄然則小學之教乃父兄所爲自安之計而亦貽安於世世之道也矧

聖天子紹述精微厥中允執其爲世道人心憂爲唐虞孔孟續者朝乾夕惕爲人臣者敢不以祗奉爲兢兢麟於康熙己巳筮仕於鄙下車卽屣

聖宮仰瞻

宸翰見

夫子之墻甃剝不理階祀鞠爲茂草麟心輒怛怛
動終夕不寐隨於堂龔廡寮捐俸脩構如儀於
絲磬祝啟俎豆尊彝布設如度教諸樂舞生憂
擊嫺習如禮於是而義學之事興焉爰卜基於
東城之隅相土予直旣廩估工起於己巳八月
落成於十月因念師儒養殮無所與供餼在其
中欲謀道不謀食如吾

夫子言竊有所不能於是而義學田之事舉焉爰

羅山縣志

卷之八

碑記

四六

購得黃氏田若干畝給牛若種與佃者約每歲
可得學租若干石使師儒糞粥無缺於戲此亦
慮始者草創之苦心也於是進師儒而誡之曰
母不敬母博奕飲酒母游冶興謠母敢以頽面
傲忤於尊長育秀儲英克袞一代文明盛事異
日者名公卿輩出熟於詩書禮樂之訓忠孝爲
先卽鶩湖鹿洞揭日月而行焉端不外是勉旃
諸士其勿忘此日之言同肯其厥成者爲廣文

西華書院北陳昌肅元韻典史稽山陶必成文
學巨人朱之璟義學師文學邑人劉名彝例得
并書計學址四週及水田畝數坐落租石載糧
數目并附碑左是爲記

康熙三十年歲次辛未孟夏月穀旦知縣加級三晉麟撰

羅山縣志

卷之八

碑記

四七

重修大通橋碑記

考稽志乘羅邑爲豫楚之交以長淮爲帶淝水竹木
爲襟邑之南爲小黃河發源靈山東南達淮泗行旅
之往來驛遞之馳赴非橋梁則病涉也邑之南門外
舊有柴橋有明景泰初知縣劉恒以石爲梁布以木
板秋水泛漲橋易壞至弘治十三年邑令楊鉞重修
易五空爲七空去木板而環以石規模較勝於前因
改名大通橋尋復傾圮嘉靖四十年邑令張思武勸

羅山縣志

卷之八

碑記

四六

募又脩視昔更爲完固今又百餘年矣每山水迅發
奔流衝嚙日就頽壞宰斯土者大約以傳舍視之未
有能計深遠樹不拔之策以爲善後圖者然及今不
問必且倒塌無遺其不至望洋興歎者幾希歲已巳
麟承乏來茲土其都人士有爲麟言其事而又苦於
物力囁嚅者再麟曰昔子輿非鄭是因溱洧之濟晉
武平吳遂起富平之築杠梁以時王政之大經也麟
雖席未爰亦何敢以不敏辭令固貧然捐俸必自令

始盍其圖之遂進匠氏而計其工與費需數百金會
歲歎姑緩之越明年庚午秋始興工度材壘石視昔
有加士紳黎庶襄輸恐後凡五閱月而橋成雲構虹
舒如帶如礪今而後輿者徒者庶其爲周行乎其父
老曰從來計小利者不能期遠業慎厥始者乃克令
其終以將傾之基而頓成此不朽之蹟是不可不有
以記之因爲誌有功於橋者之姓字於左

昔

羅山縣志

卷之八

碑記

康熙三十年正月穀旦知縣加一級三韓魯麟撰

碑記增

邑侯姚公賑饑碑記

徐觀階邑舉人

吾羅之罹於災也蓋莫有奇於今日者也前已未歲自麥熟後至六月不雨余時逐隊從令君後禱於壇凡十餘日旱魃益虐各罷而歸至七月草木盡稿士民呈旱狀乞達於上司發倉賑之迨春爭鬻子女溝壑屍橫不可勝數僉謂是殲之自天非能以人力為今二十年罹於荒者又甚焉而幸遇我公也公於乙

羅山縣志

卷之八

碑記

辛

亥夏蒞羅羅夙稱殘邑田墳墟少旱澇輒不登公下車卽稔利病勞撫字興百廢實政班班不可枚舉四五年間而羅大有起色矣夫何客歲戊寅春霪雨兩月不見星日田廬漂沒麥赴波濤民無以食公憫之為緩催科及入夏大旱公率通邑士民設壇步禱不應各欲罷歸公弗許乃自科頭跣足暴露哀呼刺血書表禱益虔至七月十八日環城十里許得一漑之澤於是羅人咸喜以為卒不至如已未之奇者公之賜

也不意八月六日嚴霜降九月廿有六日大雪凝穀
之青者盡萎立者皆仆較已未荒更竒民知無賴皆
顛天待斃公曰吾以牧民也民之不牧我何爲哉當
力圖之遂報荒狀請發倉賑復借申陽穀三千石助
之又捐俸見有菜色者輒給之不下數百金乃未踰
歲私已竭公亦多所費知不足時署篆在息遣人南
歸鬻腴產百頃糴米千五百石益之逮春還羅下賑
飢之令先邑中寒士飢者六十餘家給米與錢後於

羅山縣志

卷之八

碑記

五

北門外玉皇廟建粥廠憂其難理也擇役之能者數
十人給其食而任之以事憂其難辦也募饑民之壯
者百餘人炊爨而分給之憂其不齊也立號砲使遠
近各知所聚散焉憂其相雜也設籤而殊之領籤而
入繳籤而出憂男女之無別也先女而後男憂老穉
疾弱之力不支也先給於廟中聽其飽而不限於例
憂遠人之飄寓也僦構築而安之其他隨時變通之
法務期民沾實惠而止公日至粥廠泣數行下感者

亦泣經營勞瘁起訖凡三月向之鵠面鳩形者今變而爲豐頤廣額矣至五月麥大熟始撤鬻厥令民各以遠近受糧而歸乃爭獻新物爲公壽涕零環拜不能遽去事竣稽於冊全活者六千餘人至境外之持老挈幼就食生還者亦數千人不在冊也以故無小大男女感入肺腑歌誦之詞徧布郊野視向之爭鬻子女屍橫溝壑者爲何如也然則天之所厄果非人力能爲乎夫公之誠心實政如此可謂至矣羅之人口碑載道亦可以無憾矣今且勒諸石者何也夫災沴之竒每數十年而必一遇倘公九遷之後不幸而復遇之使後之有志於民者仰公之德推公之所已試其科條可不待頃而具則公之德又將在奕世矣於是乎記

羅山縣志

卷之八

碑記

五三

羅山書院記

河南督學
鄒升恒

古之爲治者無地非教無人不學周禮所載自大司徒以下至於鄉大夫州長黨正族師閭胥比長皆是

也後世建學立師惟郡縣有之弟子員皆有定額於古所謂鄉州以下之教蓋未暇以詳而初學之士寒畯之徒或末由被教此亦事之似緩實急者今

天子誕敷文教加意作人於學校常制外復

命各省設立書院慎簡師儒廣行樂育而一時郡邑之長仰承

德意各設義學以廣其澤彬彬乎誦讀之聲遍於閭里庶幾古治復見於今焉羅山爲古申伯謝地武清

羅山縣志

卷之八 碑記

五十三

王君夔龍由覃叅軍移令於茲勸課農桑之外卽以義學爲先務凡捐資一百九十七兩有奇擇地置講堂五楹東西齋各六楹閱兩月而成求文於余以記之余奉

天子命按試至懷曾晤同學邵子振飛爲余言王君之賢蓋彼地有懷仁書院振飛曾爲之師而董其事者王君也待師禮備又備置古今書籍俾學者誦讀有資今義學之成王君復捐銀十二兩六錢廣置經史

使羅之士擴其見聞易其固陋以澤於大雅之林余謂王君誠賢矣繼自今司是學者其亦仰體王君之意教士務以實行爲先而後及於文藝於文藝務以經學爲先而後及於制科之文於制科之文必以先正大家爲法而後求合有司之尺度羅雖小邑士品文風將甲於淮蔡之間庶不負王君殷殷設學之意而於 盛世文明之治其不有助也乎昔雍正十二年歲在甲寅九月望日督學使者鄒升恒記

羅山縣志

卷之八

碑記

五十四

重築羅山縣城垣記

羅邑之有城也創始於前明景泰之年嗣後決於水毀於寇圯於淫霖危興而危廢者數矣我

國家定鼎以來知縣事薛君耳李君賡明先後完繕如初康熙甲申水復大至城於是日就頽落雍正六年秋前 制府田公請於

朝下令所司脩舉毋後令與尉上其費計二萬六千三百四十餘緡公難之議以土易輒汰其費十之七顧

羅邑厥土墳墟非可以築之登登者前令其恇怯不敢任更越兩載余來守汝寧田公檄余董是役首過其地址之窳也門之覆也名則崇墉而實則蝕竇焉惟見蕘童牧豎跳嘯于西風殘照間蓋工愈稽則堅者日剝剝者日傾計非更新之不可而土築者易隳石甃者工鉅鮮克兩顧則且爲之奈何不寧惟是事倚人而集馨鼓弗勝亦藉有人焉以左右而經理之者也余于是俯而思仰而笑曰城之剝蝕也以外

羅山縣志

卷之八

碑文

五五

不以內我中實以土而外甃以甃土十之甃五之而甃之甃也新與舊相錯舊三之新一之基壘而上至女墻輒以布其巔灰以彌其罅若是者費可減而功可成顧不得一通心彊志者來卽與謀終且爲之奈何十年夏西蜀薛君景珏左官來豫薛先令我邑有聲余聞其至益喜曰事集矣亟申文臺司俾赴羅偕張丞維唐綜其事而前所議費七千餘緡者以土不以甃今外甃以甃費且稍贏於前顧是又不可以請

諸官也余因計羅邑錢每餘於銀民之輸賦也輒稍浮其錢數易銀以納諸官官爲輦諸司今以城故司復輦諸縣重市錢以給僱直供工費是官與民且兩耗也莫若令輸賦者概以錢官卽以錢充役費免其請諸司因贏費二百有餘緡更復採薪煉石銖縮而禁裁之猶不足則益以鈞金束矢權其變以助厥成功而新視縣事者爲王君夔龍亦賢令也余交倚之如車兩輪乃立餼人餼人程土功庀餼糧乃召陶人

羅山縣志

卷之八 碑文

五十六

陶人矩陰陽揣厚薄乃集繕人繕人持畚鍤陳舉搨乃延匠人匠人叅晝夜度步軌工善其事從獻其勤築之坏之頽者理之隳者新之仆以起泐以續始壬子九月迄甲寅八月甫兩載工用告竣計高一丈七尺八寸濶可並駢趾厚一丈二尺頂厚六尺周八百七十三丈五尺堞一千二百有奇爲四門樓稱之且遍開水涂霖潦無虞而又以城南濱新河舊者門於大通橋之北河水貫其前形象乎文明水漉

砂飛則科第當益不振爰是邑子衿請徙諸西南隅
上其圖於 今大總制王公 公可其議改建如今
制去舊制九尋而遙顧行者往來必迂其途循城陰
而折趨於故徑以就所謂大通橋者無以示周行且
不勝其僕僕也余議於新門至橋所盡鑿其旁壤之
穹然委然者改築大堤以通利涉東則鑿爲汙池栽
蓮植葦俾鳧棲而魚仞庶幾哉太和翔洽之休而於
堤之西開水田以益歲入焉計堤之寬二丈有奇徧

羅山縣志

卷之八

碑文

五七

樹檉柳之屬落其實而取其材曰是固我 總制王
公之教云爾其旁更令居民縛茆賣漿以休商旅蓋
復增費計二百金類得諸士民之所助云工竣余適
過其地遠矚之壁鬱青霧樓絢丹霞也稍卽之隅齊
如裁形平如砥也近眎之重門四開麗譙高揭也鬱
鬱葱葱民氣恬舒堅壯完整煥乎屹若有善繼者數
十年間其無患乎余時改官津門筦鹺務王薛二君
因前請於余曰公來豫而羅城始興役今遷去而工

適告終前後之間若有數焉羅人士交異之敢藉一言以垂後余曰余何記哉夫興茲大役而田畝不加費里甲不議夫繫二三子之力可以不朽雖然莒特陋而不修城魯恃城而不修政春秋交譏之尤願諸君子之母忘斯意也隨書此以勒諸石他若某某者董事之功居多例得鐫姓名於碑之陰

皆

雍正十一年歲次甲寅秋八月河南分巡南汝道今

羅山縣志

卷之八

碑文

五六

調直隸長蘆都轉鹽運使司運使茗溪費謙流授

忠烈郝公祠碑文

南汝
光道李慎修 思永

孔子曰志士仁人無求生以害仁有殺身以成仁仁是甚麼是人的本心是人的本性是萬古六合之人同其本心本性一著名根便毫釐千里了孔子稱微箕羹齊俱是從不是立名處體勘出來如前朝末年來羅山署事的郝公瑞日那時節明運將終滄海橫流大廈之傾豈是一木所能支郝公若苟且偷安自

保軀命有誰來以不忠責他卽奮不顧身爲賊所殺亦止自分與賤死螻蟻無異看後來要入名宦祠還經屢詳屢駁何況當下那裡有爲名的想頭呢吁嗟乎郝公之爲不過自還本心本性在然却便是爲萬古六合之人留得本心本性在二童子爲主損軀與公之志正同予表而出之也是爲萬古六合之人指點出本心本性來若說以慰忠魂便遂忘却本來面目

羅山縣志

卷之八 碑記

五九

重修儒學碑記

郡邑之有學宮所以崇聖教興賢德也學宮之興替人文之盛衰兆焉羅故有學前志稱其規制材木爲隣邑之所未有當時士出其間掇巍科建殊伐者後先炳耀美哉盛矣迨明季兵燹以還 國初前令高君楫李君賡明輩次第修復雖美備已不古若而氣象亦復維新考諸順治康熙年間科第猶不乏人如李侯重修戟門記內所稱竣工之日捷音三至何適

逢其會如是耶乃今近三十年邑人士無一登賢書者雖云文不售時自當講求學術顧學宮實闕文運而年久日就凋敝有心者或致疑焉甲子夏余來蒞茲土展謁

聖廟見其殿廡卑隘垣墉頽落且諸凡瓴甃參差椽桷朽蠹戶牖不齊丹雘無色匪特昔人云消索黯胥其氣中於人文字卽此艱窘情形亦非所以妥

先聖而示尊重也釋奠周迴心焉鬱之隨命芟其蕪蔓

羅山縣志

卷之八

碑文

卒

丹厥繚垣以少示維新之象顧費詘無以爲舉羸計歲乙丑會方伯趙公檄下各屬修學余乃集學博杜君雲錦劉君制及紳士數輩謀之皆欣然樂勦厥成分約勸募而余亦量分清俸竭力經營共得白金千七百有奇乃卽在城紳士中擇其老成謹厚者十人分任督理遴採大木則山獻其楨博集良工則匠呈其技陶甃運堊旣備乃事於大成殿則堂陛尊嚴飛簷四映也崇聖祠則朱欄青壁畫棟雲連也東西廡

則長廊峻整拱列如衛也此皆撤其舊而新建之者也他如明倫堂戟門泮橋鄉賢名宦祠尊經閣聖域賢關宮墻丹墀亦各增重改觀光明嚴肅皆因其舊而修飾之又於東南城巔建奎樓二重於西北義學之上建文昌祠一所俱高敞宏壯前者如朝後者如應爽宮墻而聳峙則又昔之所無而今爲創造以備學宮之全制焉至學宮之中笙磬祝嘏俎豆尊彝之屬無不陳設如式經始於丁卯之春告成於戊辰之

羅山縣志

卷之八

碑文

三

秋於是相與落成修明祀事杜君劉君偕諸紳士揖而前曰羅庠之不振久矣國初草昧方開締造誠難美備近今數十年來邑侯賢明者踵相接也覩其規制殘闕誰無振興庠序之思率皆憚厥艱鉅付之高目而已公獨不愛心力不惜重貲以成茲勝舉豈非仰體

聖天子崇儒重道之風而大行其嘉惠人文之意與夫育士者學也而重學者士土敝則草木不榮氣衰則

物生不遂故連城之璧不產於培塿照乘之珠豈生於尺澤惟夫深山大澤而神物興焉其積之者厚而育之者深也吾羅育士之地土敞氣衰極矣公獨一轉而爲深山大澤羅之人士倘猶是妄自菲薄荒其職業枯槁沉溺於甕繩不能由宮墻美富黼黻皇猷以發皇俎豆鐘簴之色則是育士有學而重學無士豈公之所望於士而亦豈士之所自待以待公者哉側聞古之人天下爲任溫飽非心處爲醇儒出爲良

羅山縣志

卷之八 碑文

三

臣自時厥後願與多士勵此志焉以無爲學忝亦卽無爲公忝余聞之不勝驚且喜曰有是哉不誠善乎夫諸士捐貲効力竭蹶以勳盛舉而又交相鼓勵期以不負斯學者不負其身將前之掇巍科建殊伐先哲芳踪何難復見於今日而天下且以羅庠爲士鄉庶幾俎豆之馨聞於天鐘簴之音薦於帝余亦得附諸君子後以與有榮施也已爰撫其巔末漫勒爲記

乾隆十三年桂月

穀旦

賜進士出身文林郎知羅山縣事加五級錦江葛 荃撰
建挹秀門碑記

羅爲豫之南境以長淮爲帶靈峰爲鎮澗水環其右
竹水繞其左中則有小黃河發源靈山由西南來蜿
蜒百里經龍山東麓而北注於城南之大通橋與西
來馬寨河合遂循城東流以會竹水而入於淮龍山
一名小羅山邑之所由名也圓秀特立雖不甚高而
四遠望之儼然蓋一方之具瞻云邑城南門相傳古

羅山縣志

卷之八

碑文

三

制在大通橋西以龍山爲向承其旺氣以故羅在前
代人文稱盛明末兵燹城圯人因橋便取徑直行

國初始就橋爲門當黃水之衝而置龍山於門右內
闔刺喉之橋外逆射胸之砂形家謂於文風民俗均
有不利雍正間奉 勅脩城 觀察費公稽工至邑

接士民之請求古制不獲乃塞當橋舊門而別建朝
陽門於西偏以避惡向第緣西移過遠城內街市皆
需舍舊從新舊街居民以其不便於已也復籲 觀

察李公重開舊門而蒙橋之名以爲名曰大通門自是砂水之害依然朝陽門幾同贅設矣乾隆戊辰余與諸紳士修學旣竣有以跡獲南門古制爲言者余爲集衆審視其處去大通舊門纔十丈許地經雨洗現古門基址宛然因基立門爲坤向與龍山適相對映而外氣寬舒層層疊案砂水旋繞在左橋亦適爲關鎖又於城內正街只須循墻畧轉市肆有興而無廢於是獻卜 當事皆蒙許可 郡伯佟公登城闈

羅山縣志

卷之八 碑文

李

親勘二次以爲新門實勝舊向允宜遷建乃具畚鍤程材物築之登登譙樓門禁宏麗堅壯費金二百有奇皆取諸脩學餘貲而商民分毫無累也說者曰官斯邑者亦因任故常已耳况非殿最所係亦奚用此不急之務紛紛者爲也余曰嗟乎余未任斯邑羅之人士東西南北之人耳休戚何有焉旣膺

簡命而撫之凡四履之地單赤之饑寒蓬葦之利病皆余所當問語曰苟有利於百姓吾無愛於髮膚矧吾

士吾民出入往來之地關闔邑文風民俗之大者乎
夫卜洛居師東西瀍澗輯民胥宇陟降巘原凡建置
首察向背昔人所重而曰此不急之務也哉由是登
門近睇遐矚黃水屈曲而環繞龍山翠嶺而拱峙瀨
濱竹水引浩淼之清瀾鵲麓靈峰列烟霞之屏障莫
不效順爭奇環衛森列以供吐納山川之秀挹取殆
盡遂額其門曰挹秀而人之聚秀鍾靈者亦必士習
詩書蜚英騰藻民安耕鑿俗厚風淳皆於是門卜之

羅山縣志

卷之八

碑文

五

矣是門既定古制既復人文之盛行且駕前代而上
之則今日之一閉一開皆若有數焉存乎其間而拭
目觀成者應共慶其不誣也是爲記

乾隆十三年歲次戊辰孟冬月

穀旦

賜進士出身文林郎知羅山縣事加五級錦江葛 荃撰

關帝廟碑

黎思哲

邑貢生

夫神誠而已矣人而爲神盡誠而已矣中庸曰唯天
下至誠爲能經綸天下之大經敦倫其盡誠之大者

乎周禮大宗伯掌天神地祇人鬼之祀天地之道誠一不二燔柴於泰壇以祀天也瘞埋於泰折以祀地也二者居天下之大端矣日月寒暑莫非天也嵩華河海莫非地也亦備禮也非此族也不在祀典而人之列於祀典也法施於民則祀之以死勤事則祀之以勞定國則祀之禦災捍患則又祀之此自古帝王將相師儒莫不皆然而

帝君其尤大彰明較著也

帝君距今千餘年所無賢

羅山縣志

卷之八

碑記

李六

無愚無小無大無男無女莫不尊之親之拜之祝之是遵何道哉蓋當漢運旣衰乾綱解紐亂臣賊子接迹當世彞倫攸斁於斯極矣 帝君獨以至誠無偽扶植綱常赫赫精忠煌煌大義與天地合其德日月合其明四時其序嵩華峙而河海流其與天地百神同其不朽而食報無窮也不亦宜歟我

皇上崇德報功隆祀

帝君而褒封及其三世大哉

王言况其下者敢不敬乎山陝信商

某

等仝建

帝君

之廟於邑城之西北隅前尹路公已有文以記其嶺
末雍正七年又爲廊房八楹戲樓三楹門樓二楹宏
敞幽邃豈非仰體

聖天子崇獎忠義之至意而成此盛舉乎然余更有說
焉小信未孚神勿福也神所憑依將在德矣若惟是
巍煥以爲居金碧以爲容春秋享祀擊拳曲跪以爲
禮吾恐聰明正直之靈不卽享於茲土也凡我士民
爲子必孝爲臣必忠兄則必友弟則必恭朋友必信

羅山縣志

卷之八

碑記

六七

蓋神之爲神也以誠而人之事神也亦以誠夫然後
民和而神降之福此幽明之故感應之理前尹言及
之而未盡者其以余言附諸他山之石可也是役工
作之數主亞之名並列在碑陰

竹香亭記

邑令廣東 樂昌縣人 李滋遠 曉人

余於凡物之愛皆具其意而已獨深好竹凡於山巔
水涯道傍籬落之處遇之輒徘徊不能去余家居築
韻軒軒旁有餘地盡令種竹嘗有句云恨不十年曾

種竹間纔半刻卽栽花蓋道其實也好不擇種栽不擇時款不成行列蓋竹有直虛清節之頌余惟取其野而已辛酉冬予來治羅邑路由普濟庵山僧叢吉導余少憩坐間翠陰下滴微香襲人客衣鬚眉皆作碧綠色凝眸視之院園多竹以愛竹之人而居多竹之地其爲樂也當必無央而若有幽思遐慕者何哉凡樂山林之樂者非飄然長往之人卽投閒歸休之士而余非其人也境則是之人則非之物與有間矣

羅山縣志

卷之八

碑記

六

間而不可以洽情能相樂耶然夙好乍投瞬息間興致淳發有不自己者於是投袂而起散步閒遊見周垣數十丈盡植金銀牽牛薔薇之屬於坡下延覆如翠壁內砌磚爲牡丹芍藥梅桂臺花開爛熳香色相間又堆土爲阜取石之銳者鈍者淺者深者透者皺者肥而坐者瘦而踞者俯者仰者列諸阜上奇狀畢出宛若小山小山之側引水爲池池種荷花菱芡多蓄金魚出沒隱見宜人池畔山崖仍植芭蕉梔子石

榴天竺等以湊山水之勝位置調合周匝精工皆爲
菜竹扶映竹雖畝許不亞睢園雅趣矣因詢僧吉誰
能爲此吉曰寺有竹久矣但蕪穢不治僧自城移錫
於此芟茅剪草刈荆棘而除其根又漸次經營以成
此狀也余曰善哉緇衣中韻士也顧圃則佳矣惜野
艷幽香無鍾會處耳吉曰唯唯數月後構小亭旣成
索余重遊余復於政事之暇一尋賞茲菴更領取亭
中近而四時山花錯雜無間馥郁撲鼻遠而萬嶺千

羅山縣志

卷之八

碑記

李九

山隱隱約約松濤風送翠岫雲迷晝而禽鳥上下鳴
聲嚶嚶夕而皎月旋轉清光溶溶不愁微雨送涼來
且愛竹香吹暑去優哉游哉其樂何極不禁喟然嘆
曰人之學問豈盡天縱地可治而爲遊觀學不可造
爲淵博人不可造而爲聖賢乎其蕪穢不治也猶之
茅塞而頑然無知也其芟刈荒蕪而點綴花石也猶
之去其腐陳而蒐羅典實也其遠近昕夕而皆有可
觀也猶之引伸觸類左右具宜而肆應無窮也嗚乎

天下無不可治之地亦無不可治之人烏可輕自暴棄而不修省哉抑吾更有所屬望焉夫竹一物耳其蕭間淡遠吾猶且愛之慕之苟吾邑有清風高節之士與竹同爲一致則吾之愛之慕之徘徊不能去者又當何如哉余故因亭之成而顏其額曰竹香取杜詩意也

誦竹香亭記記

邑人 李之杜 仲閔

鄆北二三里許有普濟庵底法深嚴掃除明淨雖近

羅山縣志

卷之八

碑記

半

市廛如在山林西偏荒僻地修竹一帶茂密如屏嶂庵僧叢吉憐其蕪穢剪其蓬茅荆棘易水火而化之築繚垣葺花砌鑿地爲池纍石爲山廣種丹藥芟荷芭蕉薜荔等以相映襯其竹愈佳坐憇之間香風撲面翠色濕衣清姿磊落逸致紛披 李老父母撫蒞茲土至誠感下人和政暇因公 至庵以有斐之學深猗猗之愛命作竹香亭以收其勝且爲之作記以道其愛竹之由建亭之意序景物則摘藻挾華挹騷

人之戀賞宣誨訓則旁通曲喻振多士之雄心秀骨
天成雅與竹稱其始也竹美而庵之趣鍾於竹及亭
建而竹之趣鍾於亭迨文鐫而竹與亭之趣盡會於
文矣荒涼一寺蕭蕭數竿一經品題物色維新猗歟
盛哉獨是經斯庵覽斯竹履斯亭讀斯文其情得毋
異乎其淺焉者艷心於華麗習耳於脂韋見淡雅而
欲殼聞提命而滋懼此流俗人不足道焉者也其少
進者摧撞之後願得息機盤錯之餘思求導引對此

羅山縣志

卷之八

碑記

十一

幽容蕭然自足諷此規戒爽然自失其亦可矣而未
能得竹之佳趣文之真味也知佳趣真味者欲淨而
理明神融而氣暢因物致感觸境逢源觀亭顏之號
曠然於良楛貴賤之理惟清者香惟濁者臭誦貞珉
之論曉然於檢心修身之術自芟者治自蓄者荒履
亭如履膠庠讀記如讀箴銘留戀徘徊三顧斯竹如
瞻闕里之楷如拂潯陽之柳如對正士端人孤芳以
自賞如仰道貌仙容遺世而獨立陶陶焉文文焉幾

忘此地之爲梵刹爲蓬瀛浩浩乎飄飄乎並忘此身
之非白雲非孤鶴夫如是乃可以經斯庵覽斯竹履
斯亭讀斯文矣然而如此觀者宇宙亦寥濶矣卽有
之抱樸守真不時至也將毋使后皇嘉植空浮翠靄
於烟雲蓋世竒文默應鏗鏘於風雨已乎雖然有能
賞者其美固全無能賞者其美亦足竹得亭不枯寂
亭得文不固陋竹與亭與文相爲知己昔人云蘭亭
不遭右軍清湍修竹終蕪沒於空山此竹得此亭此

羅山縣志

卷之八 碑記

三

文亦猶蘭亭之得右軍矣可與蘭亭竝垂不朽

詩

登靈山

宋趙

抃

西安人叅政謚清獻

為愛名山好登臨盡日曛巖幽餘暑雪鐘冷入秋雲
篇咏惟僧助塵凡與俗分明朝入東棹因得識吾文

題鵲山

曾

鞏

南豐人集賢校理

一峯孤聳勢崔嵬秀色拖藍入酒杯靈藥已從清露
得平湖長泛宿雲回翰林明月舟中過司馬虛亭竹
外開我亦退公思蠟展會看歸路送人來

羅山縣志

卷之八

詩

三

又題鵲山亭

前人

大亭孤起壓城巔屋角差峩插紫烟灤水飛綃來野
岸鵲山浮黛入晴天少陵騷雅今誰和東海風流世
謾傳太守自吟還自笑歸來乘月尚留連

題大乘寺

前人

行春門外是東山籃輦寧辭數往還溪畔鹿鳴人自
遠洞中花照水常閑樓臺勢出塵埃外鐘鼓聲聞縹
緲間自笑麗官偷暇日暫攜稚子亦開顏

元夕過大通橋

明太祖皇帝

義陽城裡值元宵水色梅香共寂寥不似上年燈火
邱玉人歌舞過柴橋

過大勝關

明太祖皇帝

兩山夾聳大勝關今古人民自往還澗下寒泉聲瀝
瀝路傍衰草色斑斑白雲出岫隨風舞黃葉穿林任
鳥翻美景一時觀不盡好將描入畫圖看

丙辰夏在羅喜雨二律

洪翼聖

歙縣人汝南兵巡

羅山縣志

卷之八

詩

七古

連日雷聲凍雨集野泉泱泱浸平田溪鷗狎浪煙汀
沒碧樹浮菁翠袖鮮瘠土已兼腴土潤旱禾應共晚
禾妍停車極目周原臘荷鋪如雲喜氣翩

其一

日出山焦后土乾田家愴惻咽彫殘雲飛嶽面東西
合潤沛川流浦敘漫自此米薪無桂玉應知雷雨灑
琅玕病侵方苦茂陵渴喜劇頻將四野看

其二

同沈黃遊彌陀寺

黎光祿

邑人見選舉

山迥人稀到雲深寺自幽石封新蘚密林掛好藤稠

履杖來三月心神度十洲白牛眠處冷清話欲披裘

題霸王城

鍾聲宏 真陽縣舉人

棄却咸陽戀一隅彈丸那可奠王居徒知幕外誇扛

鼎未解橋前巧授書霸業已隨秦火燼漢基方得楚

人儲當年劍戟森森地野老忘機帶雨鋤

憇白勝寺

劉鳴瑞 邑人

風雨過蕭寺山川憶楚風當年公子邑今日梵王宮

客下虛堂榻僧談別院松何嘗携小品跌坐問支公

羅山縣志

卷之八 詩

七十五

題老君洞

孫 僅 汝陽人太子中允

雪霓衣服星斗冠古洞陰陰晝掩軒萬里幾邀文帝

駕五千曾註老聃言莓苔裂雨香壇滑鈴鐸鳴風雨

蓋翻寂寂雲臺祈醮罷柳青槐綠總頽垣

九日登龍山

胡自化 邑人

九日龍山上登臨逸興幽秋聲深樹裏僕馬亂山頭

水去途應滑衣單風自颯黃昏催馬去風景即瀛洲

龍潭靈跡

劉 淮 邑人

悠悠潭水影坤靈老子頻來照鶴形
林木四皆山氣潤人家十里海風腥
金蟾作雨浮還淺玉竦懸崖注
不停欲借一瓢傾馬鬣蟠龍吹霧半濛溟

靈岫陰雲

前人

群山我昔寄行蹤試驗陰晴下此峰
一岫快觀天地潤半窓坐對画屏重
石林雲度衝人冷藥艸春香拂
面濃此日重來游憇處遙憑北斗望飛鴻

黃河秋月

前人

羅山縣志

卷之八 詩

七

一泓碧玉醮山城月色纔添發
眼清沙上鳥聲驚夜曙鏡中樹影空
潭明此心光霽真無媿感興推敲若
有情獨立石橋毛骨爽十年醉夢劃然醒

淮水春瀾

前人

西山雨脚斷虹收河上驚濤蹴日浮
泛泛魚舟迷釣口飛飛沙鳥失汀洲
怒風晴雪排山起沒樹寒光滿
一畱誰識浩然川上興不妨倚枕漱飛流

石門道險

前人

小石門連大石門何年設險斷雲根登登路曲半
遠宵宵雲深蝟甲繫江海一家飛檄罷乾坤萬古
門存卜居美此曾題聖何日拋官狎鳥猿

子路河清

前人

烟嵐深處宵漁歌艸色原南古此河高廟隔林鳴羽
鶴落花隨雨泛春波問津合有山靈見信宿留傳歲
紀多抵是聖賢關世教流風千古迥難磨

五城星列

張璿邑人

羅山縣志

卷之八 詩

十七

荒村空有五城基世異肯違事已非伯業幾消烟漠
漠金牛一去艸萋萋綺羅留作山花艷絃管翻成野
鳥啼唯有當岑清夜月至今光彩照前溪

兩寨雲齊

前人

當年用武築高原應是騎車萬象屯楊柳常垂當日
旂梅花還放舊岑村蕭條往事空遺跡哭兀名山每
拂雲盛代華夷歸一統共將禮樂自藩垣

龍池寺

其一

楊巨鯨邑人

龍池宮殿擅諸天，入路紆廻一綫懸。
骸石成形驚遺馬，葫蘆遺像說留仙。
幽香不斷和風度，澗水長鳴作雨傳。
遙望四圍如翠幄，逢人指點更加鞭。

其二

象嶺當門隔水開，無邊生色送青來。
蛟龍有意藏深窟，虎豹幾曾臥艸隈。
喬木陰生覆古殿，石泉清冽入蒸杯。
登臨不覺日云暮，立待月明恣往廻。

其三

羅山縣志

卷之八 詩

七十八

上受溪流下溢河，淵源不測老龍窩。
兩岍壁立如刀割，匝面光瑩疑水磨。
但任兒童投磊塊，何妨雲氣捲滂沱。
世人那解浮沉事，一吼長飛萬里波。

其四

綠樹拖雲籠暮霞，中庭閒坐冷輕紗。
隔林衲子鳴鐘磬，防夜更人諳鼓笳。
千里驅馳勤薄宦，五年萍梗定京華。
淮南便是因人重，未必王臣盡棄家。

牢山寺

徐有邑人

絕崑駐馬步斜暉一線苔莓入翠微別有蓬壺人不
到半天晴色綠成圍

雨民堂成 有引

薛耳 江南武進人邑令

夏大旱值余病民情皇皇力疾泣禱時雨畫羅二
百四十里而注士民謬謂余功喜而豎旗得捍木
數百株用以建堂為禱為粟粒我生民子瞻有暇
心焉因榜曰雨民以永斯意百爾君子退思授餐
其惟念茲

羅山縣志

卷之八 詩

七九

山焚河坼已無民一縷心香禱百神敢道商霖耐四
事只慙堯曰負三身祝融夜半收殘火風伯朝來已
斷塵寄語瘡痍諸父老枯芽焦葉盡牲牲

其二

喜經銀漢接黃河休隴農夫競笑歌日視鴻歸琴韻
遠身隨犢卧柳陰多雲深解宇祛煩暑雨送壺漿起
宿疴耕鑿安時皆帝力寒禱饑粟慰東坡

脩文廟

高楫 山西孟縣人邑令

憶彼檜風蕭宮墻無片瓦共說文宣廟餘址赤壁下
聖位雨頻催石磬飛塵灑丁祀春與秋露天供玉笋
予心甚切切潜然難自把因捐薪俸微隨意勸輸捨
大成殿始建規模可觀也棟宇映山川秀色巖堪寫
登拜仰棖桶衣冠虔奏假昔何草萋萋今乃漸文雅
經營總在予從心造大厦向後美且都無忘開闢者

脩文廟 步前韻

常景星 河南新安人署諭

闕宮昔陸沉荆榛翳敗瓦踽踽周道悲憑吊千古下

羅山縣志

卷之八 詩

全

高侯右經術感事獨涕灑芟荒構丹雘春秋肅牲羊
絲竹魯恭遺頌筆奚斯把彬蔚成大觀固陋習已拾
顧瞻几筵側文物炳如也廢興誠在人悠然我心寫
禮貴內志重亦資外物假從茲芹藻色冷冷振風雅
勗哉爾多士願言思廣廈聊復裁短章爰以告來者

感應篇刻成示勸

王家遴 邑令 直高陽人

天道未常遠吾儒畏渺茫吉凶非冥冥衾影最彰彰
何地容人偽隨時格上蒼茲雖云感應不異永言章

游絲非練亦非烟
終古長流不起川
直下蒼崖傾積水
遠飛白浪注春田
全疑激霆喧晴晝
更喜清箏媚遠天
欲問源頭清淺處
嗽崎石磴正須緣

城墩懷古

墩西半里許土阜磚室相傳蔡狀元墳又五里爲大勝關關北寺碑是宋

皆物碑文有淮南道蔡仕

前人

北山風起暗斜曛
浙澁疎林敗葉紛
草徑逶迤申伯墓
花磚零落狀元墳
平疇錯繡渾餘雪
高閣凌空半

羅山縣志

卷之八 詩

全

是雲却望溪流回
折處飄飄鳧雁自成群

龍潭靈蹟

劉 愨 邑人

老龍癡臥處
養拙此靈齋
秘不驚風雨
幽能泣鬼神
浪潮三島月
波鑑萬山春
跌坐思元化
含香漱碧潯

靈岫陰雲

前人

申鄆青未了
高峙雪山形
遠月描新黛
殘霞展畫屏
人功知卜雨
神力賴鞭霆
早慙何年事
披襟望岫靈

黃河秋川

前人

金殿靜黃流月一天水澄波寫照星冷鑑孤懸
鷗鷺飛飛影清光特特圓遙憐廣寒迥靈藥醉秋蟬

淮水春潮

前人

桃浪來何急奔湍漲曉清烟迷垂柳弱雁渡遠沙輕
鷗鷺乘春興漁簑趁晚晴岸雲堆疊嶂會傍碧岑生

石門道險

前人

鬼斧何年鑿天然闢兩門問津終不解吾道始彌尊
老樹經新伐懸崖此舊存徘徊追往事回首欲銷魂

羅山縣志

卷之八 詩

全三

子路河清

前人

河清曾可竢萬古幾滄桑轍跡留荒艸津梁問夕陽
烟霞揮客夢雞黍亦家常浮海存吾道天心正渺茫

獨山凌虛

前人

一丸仙掌美種杏說當昔沃野春風靜迴流夜月遲
茸茸芳艸發靄靄碧嵐垂月上東山好清光畫遠巒

龍岡擁翠

前人

龍岡朝北極遠翠嶺山阿繞岸沙流淨尋巖石千

聽教笛月夜到漁歌詩罷成長嘯浮生奈爾何
題修城碑

李賡明 邑令 福建侯官人

治國無小備弛則懼王公守國習坎是固復隍有戒
爲宗子慮咏彼幽風憂我陰雨維此鄙塞楚豫扼險
第桑旣更困于兵燹苗莠不薶鋌急而逃東郊鼠碩
王室魚勞萍號爲虐凌我邦郭三版旣沉百堵俱削
予適驅車零雨載途荒垣游鹿廢堞啼鳥乃詆乃咨
率衆以籲爰勸爰勞鼓其疲弱群公賜助示以身先

羅山縣志

卷之八

詩

八十三

且勤教誠奉以周旋乘農之隙偃衆之協遐邇子來
採度維捷非惟督之申言慰之非惟勞之汜布濩之
冬陽載曦冰釋土滋龜手勿藥安厥胼胝役不淹旬
厥庸炳煥建威銷萌詎惟壯觀粉雉峩峩丹樓如霞
武備旣飭文德允嘉凡此城功成于衆志勉茲一日
爲百世利室家旣寧民祉攸寄 聖世金湯勗哉
吏 落成昔已有文備書因里民勒石以紀再請故題

羅山八景

萬峯迷向背如送復如迎水方能浮石山光解趁
採茶人去寂對酒月來清總是荒涼盡靈湫蹟未更

右龍潭
雲蹟

遠樹影微茫陰晴變不常春雲歸岫冷曉日到山涼
生面從人賞慈心即景傷桑麻原沃野兵後盡成荒

右靈岫
陰雲

滄桑河不改秋月照迤清橋影雙龍繞沙空一鳥鳴

羅山縣志

卷之八

詩

八十四

孤城回客夢遠樹送商聲銀漢情無極寒荒夜夜明

右黃河
秋月

聖澤春無極淮河日夜流水將山染秀草點岸容幽
柳浪隨風褶蘆洲挾雨浮漁人行獨早打網五更頭

右淮水
春瀾

石門一宿覺出處已分明行矣存斯道傷哉問竝耕

禽魚雖異性雞黍尚多情濟勝吾徒在相將險亦平

右石門
道險

河清不可待，魯叟泣麟肯逝者。有如此行人，更念而
烟霞誰負，辭日月自無私。千古悠悠意，問津知未知。

右子路
河清

雲表一峰明，凌虛倚太清。日光供蕩漾，月色焰晶瑩。
呼吸通三島，迴翔顧五城。只緣身獨立，不覺萬山平。

右獨山
凌虛

蔚藍天一色，非地亦非山。却道蒼龍偃，更疑青鳥還。
秋將紅葉點，曉倩綠雲鬟。農事藍輿了，家家雞犬閒。

羅山縣志

卷之八 詩

八十五

右龍岡
擁翠

羅山八景 步前韻

李贇明 邑令 福建
侯官人

鴻濛留一壑，靈氣自相迎。潭黑常疑雨，雲昏不辨晴。
水因浮石幻，山為蟄龍清。枯寂高僧老，不知人世更。

右龍潭
靈蹟

雲蒸天自雨，出岫豈無常。花發春恒早，山深暑亦涼。
懷人皆惆悵，慨世獨悲傷。但具為霖志，何難遍八荒。

右靈岫
陰雲

山城河上月茲夕倍能清
葭冷鷗群宿沙寒蛩獨鳴
蒼茫通野色虛白起秋聲
交岸霜林樹颼颼響到明

右黃河

秋月

花淮上水新漲逐波流
芳草無人境春香野听幽
看雲袂幻妄聽鳥說滙浮
暝色歸樵影昔昔古渡頭

右淮水

春瀾

松門具隻眼一問自分明
莫說夷兼險如何鑿與啡
轍環非得已辟世若為情
慨論滔滔者中心覺未平

羅山縣志

卷之八 詩

八十六

右石門

道險

悠悠千古後猶記問津
肯不解其何以空勞說且
而諸賢惟獨善至聖本無
私欲待河清日河清未可知

右子路

河清

突兀成孤秀鴻濛迫太清
路從烟裏斷花向晦中瑩
雲物書青島霞標俯赤城
忽然成一氣風雨萬山平

右獨山

凌虛

高巒鍾異氣百折繞群山
每向翠微去肯衝青靄還

水皴紋皴皴烟染黛螺鬟何似村居好人生苦不關

右龍崗
擁翠

羅山八景 步前韻

孫子起 秀廉浙江
蘭溪人

一泓渺不測波與月相迎月色澄宵碧波光弄曉晴
幽靈如可探俗慮一為清茲是丹丘勝何知桑海更

右龍潭
靈蹟

送目極蒼茫雲容迥異常峰危連雨暗洞窅逼秋涼
野客成孤往寤遊易感傷重陰何日霽猶見月荒荒

羅山縣志

卷之八 詩

全七

右靈岫
陰雲

河浸月逾冷月明河更清那堪霜雁噤忍聽草蟲鳴
逆旅無端夢孤城徹夜聲難凭高枕臥肯剔短檠明

右黃河
秋月

淮水分桐栢依城日夜流春來千漲集晚去一帆幽
雀倦排雲下鷗閒狎浪浮野懷無可寄取醉臥沙頭

右淮水
素瀾

高賢留一宿吾道已明明不有魯師弟難容楚並耕

橋杳如可易欸欸亦爲情撫枕悲長夜雄心未竟平

石門
道險

茫茫何處濟俯首問津肯入眼皆徒與傷心聽已而
林泉從爾傲天地豈吾私定有河清日昔人固未知

右于路
河清

噴旡天半削一徑逼空青身道衝烟細嵐光點雪瑩
遙聲通碧落遠影下荒城試足千尋上方知霄漢平

右獨山
凌虛

羅山縣志

卷之八 詩

全八

連綿亘百里佳氣鬱浮山到水還疑斷凌霄更欲還
廻翔均有致粧點各成鬟贏得神明宰琴書儘日閒

右龍岡
羅翠

新增八景

薛耳

邑令江志
武進人

山城如斗大面面挹奇峯遠近雲移刃高低樹影重
遙青依繡榻分紫護花封誰落琴堂事呼童急早春

右萬山
拱翠

官寒神自淡白水可旌心有興聊呼酒忘情漫撫琴
是山皆蒼嚮無鳥不懷音到處冷然善六通清復深

右六水
環朝

湖湘渺可接佳氣入依稀西楚雄風在南州雅道依

羅山縣志

卷之八

詩

全九

芳名元直謝心事孔明違不盡英雄思秋雲望落暉

右秀接
湖湘

古道留顏色高風陳汝間葛陂原幻蹟桑落自高山

臥治長孺韜藏名叔度閒佳人虛谷杳誰與濟肯襄

右雄連
陳汝

五城灰劫後衰艸覆荒基霸業矢千簇斜陽酒一壺

金牛山漠漠白馬黍離離俯仰憑今古興亡事

右五城
星列

看秋香鄴院漢楚此爭鋒萬疊山從險一丸泥可封
梅花開玉葉靈岫削芙蓉特愛寒齋外峩峩百尺松

右三層
巖分

巨斧何年事開山峙石門盤旋拖雨脚屈曲抱雲根
竹密常依母草深時護蓀萬籬松柏上纏繞不知恩

右二門
天造

山窮疑路盡雨寨欲穿雲雞犬空中影桑麻世外聞
竹籬編綠雪茅屋飲青雲薇蕨伊蒲供往還聊自壽

羅山縣志

卷之八 詩

九

右雨寨
雲齋

新增八景 步前韻

李賡明 邑令福建
侯官人

豈是醉翁治環滁列萬峯長淮清滾滾阨塞險重重
鄙俗新鴻集男邦舊葉封相期耕鑿穩帝力付高春

右萬山
拱翠

朝宗形勝地山水結遐心敢謂鳧飛錦相將鶴伴琴
沙汀留斷靄風澗送餘音遠岫孤帆外漁歌入樹深

右六水
環朝

建甌南接楚堤曲未應稀錦水鳧鷖亂春畦荳麥依
懷人古道在感事素心違極目登臨處樓高敞夕暉

右秀接

湖湘

申子遺風在雷九伯仲間地靈全繞水天寶衆多山
政拙民無擾庭清官自閒瘡痍看漸起何用歎維艱

右雄連

陳汝

古蹟如壑聚相傳霸業基悲涼詩幾首憑弔酒千卮
野徑烟開合苔痕雨陸離卽今深草裏猶卧舊時碑

羅山縣志

卷之八

詩

九

右五城

星列

一夫當虎豹談笑遏狂鋒鼎足真堪峙泥丸不用封
影涵青菡萏蓄氣度紫芙蓉爲愛寒流石濤聲冷萬松

右三關

鼎分

一線開重險層巒啟二門巉巖通石罅鑿削斷雲根
林木四山葉芳薌滿路蓀今茲行邁者未識化工恩

右二門

天造

斷崖分翠色聯影出高雲用武何年事避兵在昔聞

登臨低白鳥鑿耕劇青斐不落人間世山麋自有群

右雨寨
雲齊

新增八景 步前韻

孫子起 秀廉浙江
蘭溪人

環城方百里圍合抱奇峰爽氣浮杯動妍光到檻重
層層函畫意面面炤花封應接無從暇高烟聞晚壽

右萬山
巽翠

一窠依雙鳥水壺貯素心高山懸古榻流水上清琴
有令懷孤調無人不賞音汪洋長不盡解澤已深深

羅山縣志

卷之八 詩

九十二

右六水
朝宗

猶見規模壯何嗟桑柘稀中州雲外盡西楚漢濱依
文物當年盛車書總不違登樓憑眺遠湘水映斜暉

右秀接
湖湘

關地從申伯風流在此間清評留月旦仰止有高山
星野分餘軫山川不等閒况逢經濟手談笑掾昔艱

右雄連
陳汝

當年圖霸地一片草萊基痛哭歌千闕流連醉百卮

空城雲黯黯廢址黍離離劉項興亡事寒烟臥斷碑

右五城
星列

穆陵摧勁敵函谷閉強鋒天險既已設泥丸何處封
望甲躡虎豹天半削芙蓉謾謾濤聲合寒流千樹松

右三關
鼎峙

楚江開一線禹力劈天門何知茲地軸亦是鑿雲根
雨後木為耳霜餘草覆蓀萌生皆有意造化不言恩

右二門天造○江上有天門山天門鑿斷
楚江開見唐詩三四句唐人亦有此體

羅山縣志

卷之八 詩

九十三

空中成世界來往但披雲井竈空丹藥晨昏燒紫雲
神仙天外近雞犬世間聞多少桃源問吾從此入群

右兩寨
雲齊

羅山八景 步前人韻

魯

麟 邑令遊東
瀋陽人

龍潭靈蹟

採奇乘暇日 躡屐少逢迎
邃壑能藏雨 重巒不覺晴
龍干 歲 仙梵一聲清
似得桃源意 寧知晉魏更
靈岫陰雲

亦知蒼白異 變態自無常
磴險千人廢 山深六月涼
爲霖憑爾祝 苦旱獨予傷
暝色何朝暮 歸樵徑欲荒
黃河秋月

羅山縣志

卷之八 詩

七

銀漢分流處 誰云不易清
汀花綠露白 堤樹入秋鳴
遠近浮漁火 高低落鴈聲
山城一片月 天水快同明
淮水春瀾

聞道台簪水 桃花湧上流
瀾翻催浪疾 曲折遶城幽
傍檻纓堪濯 依沙鷺暗浮
忘機有漁父 薄醉臥船頭
石門道險

栖栖寧得已 可否豈難明
憫世勞環轍 逃形逐耦耕
雙門何日闢 一宿古人情
選勝尋奇蹟 嗽崎未易平

子路河清

昔賢會過此惆悵問津時所向誰知已相逢尚遠而
乾坤猶有憾山水自無私及遇河清日前人苦未知

獨山菱虛

芙蓉天外插一氣接虛清積雪千林澹歸雲萬壑瑩
崢嶸凌遠岫突兀俯孤城不少丹丘境何年遂向平

龍崗擁翠

紆迴聯地軸如阜亦如山倦羽飛難到游龍懶未還

羅山縣志

卷之八 詩

曉烟浮翠帶暮雨濕雲鬟濟勝情何極籃輿盡日間

遙題太平冲山莊

劉夢輿 漳州守本邑人

綠樹陰陰草色萋平田漠漠野雲低山扉不扃無驚
大近局相招有隻鷄檻外垂楊拖霽景宅邊流水注
春畦何時竹徑蓬門下一老臨風獨杖藜

遙題龍池寺

前人

家山儘有佳山水絕勝龍池寺擅塲雪浪初生春茗
熟仙岩晚眺夏雲涼秋潭月上禽魚靜冬嶺風來杉

檜香極好水邊林下日問余何事客他鄉

遙題東山傲廬

前人

一枝亭畔木犀香高枕南窗蝶夢長近浦晴沙邀夜月小山芳草坐斜陽烟波十畝知魚樂醅醪千巡任酒狂極好水邊林下日云何三徑久荒涼

雨夜思歸

前人

高樓兀坐思紛紛風雨凄清靜夜聞無可奈何雙料酒幾時歸去一溪雲青山白社烟霞侶翠嶺蒼苔麩鹿群最是先人丘壠在墓田久已廢耕耘

羅山縣志

卷之八

詩

九六

咏沮溺耦耕處

前人

空山闐無人平野連雲樹一水自潺湲相傳問津處蕭蕭車馬客滾滾風塵路二叟出田間鋤耰不遑顧宣尼乃執輿仲由前致語首問及長沮非意逢柳榆桀溺亦奇人中懷遽傾吐避世曰能賢避人焉攸愈研蹙邂逅問慷慨攄情愫宛未指迷津姓字從何具將毋傳記人謬爲兩賢警北瞻陳蔡道南望石門戍

脩然荷蓀翁鷄黍歡相娛出處各有爲聖哲期成務
賢哉接輿狂鳳兮表深慕

偕友重遊龍池山寺

徐自植

貢生本邑人

三十餘年曾負笈同人載酒又重過蒼崖瘦茗猶堪
摘古壁殘詩尚未磨葱鬱松杉含瀑雨參差樓閣隱
懸蘿山僧舊識今存幾梵唄閒聽增感何

二月望日同楚友何孟瑚登馬鞍山

劉其錫

進士書本邑人

羅山縣志

卷之八

詩

九十七

天馬孤峰雲外看春風縹緲笑顏歡山開四面芙蓉
障步躡千尋鳥道盤煉石鑿空餘舊堞窮源酌飲俯
危湍登臨不盡低徊意楚客狂吟夕照殘

登東林寺圃山與友人卜居約 前人

薄霧輕風拂藻蘋看山携友繞溪濱孤峰天際星河
動幽徑花開耳目新卜築偶然非避世覓隣今復快
同人百年荏苒韶華易瞬息鶯啼二月春

尋孟嘉故宅

劉名鼎

庠生本邑人

邑中有高士千載仍卓越生願識其人沒亦慕其宅
相傳龍山麓在昔樓高潔寒烟榛莽中覓之杳不得
荒墟獨憑弔釀酒長歌發萬年清者儔風流難磨滅
俯仰古今來又况爲聖哲所以士君子妍媸當自別
君看桓宣武爾時何烈烈桓能駕馭卿名乃汗簡策

羅山縣志

卷之八 詩

全



詩增

龍山行

明清劉容本邑人

城南有山古稱龍峻嶒碧漢甲諸峯西環九曲明秋水東引雙輪掛赭桐翠壁風含芝草香白雲時見錦屏張楚嶂接天天垂畫淮水護郭如金湯元帝靈光射星斗殿閣參差瓚瓊玖上搏白鶴鳴九霄下有神龍蟠兩肘曾聞佳節值重陽司馬桓溫興欲狂暫停軍旅開樽俎翠管銀箏雜羽商參軍萬年最豪宕一

羅山縣志

卷之八 詩

九十九

飲百杯無計量風吹落帽不自知嘲成滿座懽聲益千年景象只依然昔日英雄委逝川百萬貔貅不復再百丈崔巍鎖暮烟留得芳名傳我邑但逢九日諸賢集共喜登高陟絕頂浩歌酣飲聯篇什石菊騰芬琥珀紅絳袋茱萸泛不窮太平歲月干戈熄何必東山問謝公杯盤狼籍明月上寒雁聲高悲角壯策馬肩輿各促歸明年此會知何狀

龍池行

邑令廣東李滋達曉人

羅山有水名龍池皆云有物龍爲之一泓深黑不見
底神靈出沒多迷離崖穴天成非斧鑿週遭茗芽香
痕薄細甲修鱗不敢爭疾風怪雨有時作人言此龍
不得時我言此龍善藏機迅雷突震誰驚覺天矯雲
中露頭角

羅山八景

用題韻接八景詩自當刻劃題目不得泛賦此山此水

龍潭靈蹟

邑人

李之杜 仲閒

蹉峩歷亂午烟封嚴護靈潭臥老龍
眇爾永收千壑

羅山縣志

卷之八 詩

一百

注湛然不納一礪攻白雲斷續通天漢
清響鏗鎗叶寺鐘長此蟄藏耽歲月
甘霖何日慰三農

靈岫陰雲

名山河事獨稱靈不比他山作幻形
蒼靄朝騰濡微谷甘霖夕注滿溪町
薰蒸早入三農眼頒布先傾百室聽
全鄙含哺憑吐納漫言煙景賽丹青

黃河秋月

紛紛紅葉點黃河日入還將皎止歌
霜露澄寒收野

馬水天渾合竝蟾娥千家烟火溶溶色萬里蒼穹穆
穆波不識雙輪平較量一時光彩落誰多

淮水春瀾

原山委海撫高安春到淮濱早入瀾遲日鎔漸歸浩
蕩和風釀雨漲汀灘浪翻晴雪閉魚弄滌轉飛花舞
燕搏趺坐芳崖經眼醉柳陰深處見漁竿

石門道險

五丁重見劈雲根豫楚全籍一戶存鳥道臨溪森磊

羅山縣志

卷之八

詩

一百一

石樞行傍麓拂榛繁聖賢底事經還宿天地爲心險
亦原足迹幾隨塵世沒如看猥佩對晨門

子路河清

藐矣尼山問竝耕榛苓繫念逐芳名四圍疊嶂堪圖
畫一縷安流好濯纓豈爲隱淪澄垢淖竝非道德發
精瑩河神應恚當年事永教凝眸徹底清

獨山凌虛

匝面平疇遠距山孤峯峽起插雲間鷄鳴梵刹驚神

幻鴈度蒼空，碍往還萬井。桑麻經眼盡，八方險易入。
心閒何時獨立，曼巔上一附飛龍。沛澤頒

龍岡擁翠

山城佳氣鬱龍岡，闔外高攤薜荔牆。遠映晴空浸靄，
隸近沉碧浪。染金湯堯紅，叅合三春色。菊蕊薰蒸九
月香，千載風流吹帽事。時來詩酒步遺芳。

並頭紅菊

江蘇葛，馭肇武

西流大火釀繁華，垂露英英景物賒。三徑秋光圍絳

羅山縣志

卷之八 詩

一百二

雪重陽雨氣，點丹砂映籬。雙影迷殘照，泛酒同心照。
晚霞克得餽，糧休乞食從。今處士欲餐花。

三穗白菊

前人

秋冷西郊菊，蓋肥雨絲風。影共依依，依光連洛下。吟詩
社色映江州，送酒衣荒徑。忽驚珠樹細，虎溪錯認頂。
花微滿頭欲，揷休辭却好。助吳霜點鬢，鬢稀

續志告成賦懷

李之杜

抱膝高歌幾度春，倏逢修纂備詢胸。慚班烏莢華

少口慎蘓張誕妄民討取便便緣信古蒐羅炳炳職
描真志成一向蒼天讀浩蕩襟懷未有垠

羅山縣志

卷之八

詩

二百三

余上下數百年間其祥瑞不數數見卽白鳩巢醴泉出又云孝感所至皆一家之瑞也至于水火兵戎則紛紛簡牘中豈天之靳于兆休而侈于徵咎也耶若夫鼓吹休明憂思危亂不無藉于藝文也而取之以終邑乘不特土地錢穀之書而先後諸君子且燒炳數代沐浴于風雅矣

羅山縣志

卷之八

論

一百三

羅山志續修後序

一邑猶一身也惟心主之心之所當注而必爲者爲志心之所久誌而不能釋者亦此志也之中有便於民卽便於邑者如身之有深嗜篤好也晝夜莫釋必多方以致之而後卽安邑之中有害於民卽害於邑者如身之有痲疾沈疴也晝夜莫釋必多方以去之而後卽安其所以致之去之者豈他求哉昔之人固有養生之要訣瘳疾之良方誌之

羅山縣志

卷之八 後序

百六

於書以心相告也竊讀汝陽舊志序邑令趙公謙曰沃土十之三墊土十之七歲一不稔而木無完膚人爲梟噬至厯天子蒿目憂嗟嗟盍一圖之豫也故必以墊土之三抵沃土之一以著爲令甲又讀本邑舊志序前令襄陵李公弘道其脩志也沿革建置諸條不煩躊躇而已攷據精核獨於戶口田賦廼閉閣投牘籌之數日而後一如汝陽著爲令甲蓋惟恐後代侵漁者之去其籍以禍吾民耳

（東水竟蕭然起敬）謝曰兩先生教我矣此所謂起沈疴而予以篤好也竊計承乏茲邑已歷三載而三載皆旱何也蓋羅田獨宜稻稻獨宜水而地形傾瀉壤性麤踈無以為蓄水計故十日不雨則無禾信有如蘇文忠公所言者幸蒙我

皇上睿慮遠周浚恤民隱盡蠲明年豫土之全賦兆民歡呼萬歲始有生氣此誠破格非常之

特恩千載而一遇者也下邑小臣何敢不豫爲籌畫

羅山縣志

卷之八 後序

二百五

以期毋復爲

天子憂因思民之無積貯以備荒者以田不足以供賦也羅田居山麓壤雜砂礫幾與石田等必休耕再易而地力始齊倘歲歲而耕之則所獲不償所耕且山域不通舟楫金貴穀賤卽屢豐亦稱貸完賦一值災荒無惑乎塗載孳矣嗟嗟是非如汝息諸邑復舊制以裕民不足以起沈疴而復元氣也故備訪鄰制復著令甲以絕猾吏之亂法以杜以民

之訐告以永保我赤子也由是而躔次順序山川
效靈生齒蕃輯家室和平耕鑿樂爲輸輓絃誦應
乎鳴琴處多良士出多良臣昔賢昔喆並垂奕禩
之芳型顧不休哉而要非起沈疴而予以篤好未
易臻此惟以膜外視之則以膜外置之耳誠痼瘵
于一身則肢體髮膚何一忍其毀傷且進而敬用
其五事卽一身之肅貌又言徧徵爲一邑之時兩
時賜古人豈欺我乎至于下之奉上如手足之戴

羅山縣志

卷之八 後序

頭目上之使下如肩之使臂臂之使指其效又不
足言矣麟也心知其然而恒慮其不克卽然敬以
望之後之君子

峇

康熙三十七年十月長至日知縣加二級三韓魯麟謹識於志後

增脩羅山縣志跋

範圍天地主宰萬物莫大於道
川流路岐條分縷晰莫精於義
發微闡幽醒蚩喚聵莫要於言
考古知今彰善杜惡莫昭於志
是故義者道之分也言者義之

羅山縣志葛跋一

宣也志者言之切也志患所言
不當耳苟當矣便批卻導窾洋
洋洒洒以達之析義在此明道
在此瞻前顧後嘖嘖不吐何爲
哉雖然難言之郵志自明弘治
以來屢經纂續以順治己亥爲

集大成明志不可睹矣已亥志
猶於紳士家得其佚本經緯明
備辭章典贍今之序論十其六
七也康熙辛未志以前志尚有
清晰未足之失將諸目利病諄
切言之是矣然或以牽合反隣

羅山縣志葛跋二

於支離者有之作志顧不難哉
余觀善爲志者其引稱也質而
不諛確而不膚要而不迂不護
過不避嫌其敷陳也鑿鑿然如
分白黑如指掌列眉雖根以溫
厚和平之旨而必無格格不達

之病夫如是乃可以垂訓示戒
矣蓋志之體有三以齊物者尚
其類無失之畧也以行遠者尚
其文無失之俚也以維世者尚
其公無失之溷也三者備矣謂
之有體鄆志自剞始迄今每經

羅山縣志葛跋三

校讐必多所損益大率歷久加
嚴變而稱上亦其時勢使然也
語曰山以累而高水以積而深
藝以經歷而精準古作範後人
不得專其功踵事增華前人不
得羅其美蓋作志之難如此而

或乃易而讀之不亦惑乎夫儒者尚論古人雖遙遙百世以上猶有嘿然會超然得者彼其能以身體之以心驗之也今雖時其時人其人事其事不將此身此心一體驗之無怪其耳食之

羅山縣志葛跋四

矣夫苟不視爲紙上無補之空談則有讀之之法在吏治之判判於鷄鳴建置之墮墮於尋尺慎之慎之其機在微選舉之貴貴於樹勲人物之崇崇於立德勉之勉之其趨在大氣運之盛

盛於民數民數之盈盈於惠卹
登之剔之其權在宜志不盡言
言不盡舉類而推之化而裁之
其識在通反之當躬準之時事
欣欣者幾何涔涔者幾何各隨
乃分殫乃心竭乃力如是以讀

羅山縣志葛跋五

則既讀之後與未讀之先吾知
其必有異也不然而志在目中
身在局外於其中是非得失若
仰浮雲瞻海市渺乎其不相屬
也志亦多事矣踈密又奚論哉
昔石勒聽漢書驚喜交集陶淵

明讀山海經胸次悠然宋太宗
閱太平御覽開卷有益此事之
當法者朱子曰凡讀書須思量
此言要他何用此言之足繹者
余於斯志亦云

賜同進士出身文林郎知羅山

羅山縣志葛跋六

縣事錦江葛荃跋

